

摘藻堂四庫全書薈要

史部

欽定四庫全書薈要卷七千一百六十七

史部

資治通鑑卷一百八十一 宋 司馬光 撰

胡三省 音註

隋紀五

起著雍執徐盡玄
默涸灘凡五年

煬皇帝上之下

大業四年春正月乙巳詔發河北諸軍百餘萬穿永濟

渠引沁水南達于河北通涿郡

班志沁水出上黨潞
縣羊頭山世靡谷師古

曰今至懷州武陟縣界入河穀遠隋為沁源縣沁七鵠
翻考異曰雜記三年六月敕開永濟渠引汾水入河

於汾水東北開渠合渠水至于涿郡二千餘里通龍舟按永濟渠即今御河未嘗通汾水雜記誤也

丁男

不供始役婦人 壬申以太府卿元壽為內史令 裴

矩聞西突厥處羅可汗思其母請遣使招懷之二月己

卯帝遣司朝謁者崔君肅齎詔書慰諭之

帝置謁者臺大夫一人置

司朝謁者二人以貳之處昌呂翻厥九勿翻可從刊入聲汗音寒使疏吏翻朝直遙翻 考異曰隋帝紀作崔

毅今從西突厥傳

處羅見君肅甚踞受詔不肯起君肅謂之曰

突厥本一國中分為二每歲交兵積數十歲而莫能相

滅者明知其勢敵耳然啓民舉其部落百萬之衆卑躬

折節入臣天子者其故何也

折而列翻

正以切恨可汗不能

獨制欲借兵於大國共滅可汗耳羣臣咸欲從啟民之

請天子既許之師出有日矣顧可汗母向夫人

可從刊入聲汗

音寒向式亮翻

懼西國之滅旦夕守關哭泣哀祈匍匐謝罪請

發使召可汗令入內屬天子憐之故復遣使至此

匍音蒲北翻使疏吏翻下同

蒲北翻使疏吏翻下同

今可汗乃踞慢如此則向夫人

為誑天子

誑居况翻

必伏尸都市傳首虜庭

虜庭謂啟民庭

發大隋

之兵資東國之衆左提右挈以擊可汗亡無日矣奈何

愛兩拜之禮絕慈母之命惜一語稱臣使社稷為墟乎

處羅矍然而起

處昌呂翻矍居縛翻

流涕再拜跪受詔書因遣使

者隨君肅貢汗血馬

三月壬戌倭王多利思比孤

隋書

倭國在百濟新羅東南水陸三千里於大海之中依山島而居都於邪靡堆則魏志所謂邪馬臺者也在會稽之東與儋耳相近杜佑曰倭在帶方東南大海中去遼東萬二千里大較在閩川會稽之東亦與朱崖儋耳相近自謂太伯之後一名日本自云云

入貢遺帝書曰

遺于季翻

日出處天子致書日沒處天子無恙

恙余亮翻

帝覽之不悅

謂鴻臚卿曰

臚凌如翻

蠻夷書無禮者勿復以聞

復扶又翻

乙

丑車駕幸五原

帝改豐州為五原部

因出塞巡長城

去年所築者

行宮

設六合板城

隋志帝北巡出塞行宮設六合城方一百二十步高四丈二尺六合以木為之方一

尺外面一方有版離合為之塗以青色壘六板為城高三丈六尺上加女牆板高六尺開南北門又於城四角起樓敵二門觀門樓檻皆丹青綺畫又造六合殿千人帳載以槍車車載六合三板其車輪解合交叉即為馬槍皆車上張幕幕下張平一弩傳矢五人更守兩車之間施車輪馬槍皆外其轅以為外圍次內布鐵菱次內施蟄韃中施弩牀長六尺闊三尺牀枕陞挿鋼錐皆長五寸謂之蝦鬚皆施機闔張則錐皆外向其牀上施旋機弩以繩連弩機人從外來觸繩則弩機旋轉向所觸而發其外又以增周圍行宮二丈一鈴一柱柱舉增去地二尺五寸當行宮南北門施槌磬連增以機發之有人觸增則衆鈴發響槌擊兩磬以知所警名為擊磬

考異曰雜記云帝幸啟民帳造行城周二千步高二十餘丈今從隋禮儀志

載以槍車每頓

舍則外其轅以為外圍內布鐵菱

爾雅翼曰今軍旅以鐵作茨以布敵路謂

之鐵蒺藜或云鐵蒺藜菱角起於場帝征遼為之然六韜中已有此物是錯傳謂之渠答

次施弩牀

皆挿鋼錐

鋼音剛精鐵也

外向上施旋機弩以繩連機人來觸

繩則弩機旋轉向所觸而發其外又以增周圍施鈴柱

槌磬以知所警

增作膝翻槌直追翻

帝募能通絕域者屯田主事

常駿等請使赤土

屯田曹屬工部尚書尚書諸曹各有主事流外吏職也隋書赤土國扶南

之別種在南海中水行百餘日而達所都土色多赤因為號杜佑曰崖州直南水行便風十餘日到赤土國

其國到五月日亭午物影都在南一日三食飯皆旋
炊不然遠巡過時即便臭敗熱氣特甚使疏利翻

帝

大悅丙寅命駿齋物五千段以賜其王赤土者南海中

遠國也 帝無日不治宮室

治直之翻

兩京及江都苑囿亭

殿雖多久而益厭每遊幸左右顧矚

矚之欲翻

無可意者不

知所適乃備責天下山川之圖躬自歷覽以求勝地可

置宮苑者夏四月詔於汾州之北汾水之源營汾陽宮

隋志樓煩郡汾源縣舊苛嵐也大業四年改為靜樂有汾陽宮管涔山天池汾水十三州志汾水出武州之燕京山管涔之異名也水經注燕京山上有大池世謂之天池按煬帝起汾陽宮環天池詳見後五臺注

初元德太子薨

見上卷
二年

河南尹齊王暕次當為嗣元德

吏兵二萬餘人悉隸於暕

暕古
限翻

帝為之妙選僚屬

為于
偽翻

以光祿少卿柳謩之為齊王長史

少始照翻謩九
輦翻長知兩翻

且戒

之曰齊王德業修備富貴自鍾卿門

鍾聚
也

若有不善罪

亦相及謩之慶之從子也

柳慶事宇文
泰從才用翻

暕寵遇日隆百

官趨謁闐咽道路暕以是驕恣昵近小人

闐四年翻昵
尼質翻近其

斬所為多不法遣左右喬令則庫狄仲錡

庫狄複姓
錡魚豈翻

陳

智偉求聲色令則等因此放縱訪人家有美女輒矯暕

命呼之載入陳第淫而遣之仲錡智偉詣隴西搃災諸

番責其名馬

帝改渭州為隴西郡搃側瓜翻

得數匹以進陳令還主

仲錡等詐言王賜取歸其家陳不知也樂平公主嘗奏

帝言柳氏女美

樂平公主周天元后也樂音洛

帝未有所答久之主復

以柳氏進陳

復扶又翻

陳納之其後帝問主柳氏女安在主

曰在齊王所帝不悅陳從帝幸汾陽宮大獵詔陳以千

騎入圍

騎奇寄翻

陳大獲麋鹿以獻而帝未有得也乃怒從

官皆言為陳左右所遏獸不得前

從才用翻

帝於是發怒求

陳罪失時制縣令無故不得出境有伊闕令皇甫詡得

幸於陳違禁攜之至汾陽宮御史韋德裕希旨劾奏陳

劾戶槩

翻

帝令甲士千餘人大索陳第

令力丁翻

因窮

又戶得

翻

治其事

治直之翻

陳妃韋氏早卒

卒子恤翻

陳與妃姊元氏婦通

產一女陳召相工

相悉亮翻

令徧視後庭相工指妃姊曰此

產子者當為皇后陳以元德太子有三子

三子侑侯伺

恐不

得立陰挾左道為厭勝

厭於葉翻

至是皆發帝大怒斬令則

等數人賜妃姊死陳府僚皆斥之邊遠柳謩之坐不能

匡正除名

零九
輦翻

時趙王杲尚幼帝謂侍臣曰朕唯有陳

一子不然者當肆諸市朝以明國憲陳自是恩寵日衰

雖為京尹不復關預時政帝恒令虎賁郎將一人監其

府事

帝制十二衛每衛置護軍四人掌副貳將軍無則
一人攝尋改護軍為虎賁郎將正四品朝直遙翻

復扶又翻恒戶登翻令力丁翻

賁音奔將即亮翻監古銜翻

陳有微失虎賁輒奏之

帝亦常慮陳生變所給左右皆以老弱備員而已太史

令庾質季才之子也其子為齊王屬

隋王府有
掾有屬

帝謂質

曰汝不能一心事我乃使兒事齊王何向背如此

背蒲
妹翻

對曰臣事陛下子事齊王實是一心不敢有二帝猶怒

出為合水令

開皇十六年置合水郡為慶州治所帝改慶州為弘化郡唐改合水縣為安化

乙卯詔以突厥啟民可汗

厥九勿翻可從刊入聲汗音寒

遵奉朝化思

改戎俗宜於萬壽戍置城造屋其帷帳牀褥以上務從

優厚 秋七月辛巳發丁男二十餘萬築長城自榆谷

而東

此榆谷當在榆林西

裴矩說鐵勒

說式為翻

使擊吐谷渾大破

之吐谷渾可汗伏允東走入西平境內

帝改鄯州為西平郡吐讀瞰入

聲谷音浴可從刊入聲汗音寒

遣使請降求救帝遣安德王雄出澆河

前已書觀王雄此復書安德王雄何也按雄傳雄從帝
征吐谷渾還方徙封觀王高潁誅之時雄尚為安德王
通鑑因舊史成文而書之耳帝改鄆州為許公宇文述
澆河郡使疏吏翻降戶江翻澆古堯翻

出西平迎之

宇文述封許國公

述至臨羌城

漢臨羌縣城也

吐谷渾畏

述兵盛不敢降帥衆西遁

帥讀曰率

述引兵追之拔曼頭赤

水二城

隋志帝平吐谷渾置河源郡於古赤水城管下有曼頭城曼音萬

斬三千餘級

獲其王公以下二百人虜男女四千口而還

還從宣翻又如字下

同伏允南奔雪山

此即蜀西山之西雪山也

其故地皆空東西四千

里南北二千里皆為隋有置州縣鎮戍

置鄯善且末西海河源四郡顯

武濟遠肅寧伏戎宣德威定遠
化赤水等縣志云置於五年

天下輕罪徙居之八

月辛酉上親祠恒岳

恒岳北岳恒山恒戶登翻

赦天下河北道郡守

畢集

守式又翻

裴矩所致西域十餘國皆來助祭

考異曰裴矩傳云

三年誤也

今從帝紀

九月辛未徵天下鷹師悉集東京

鷹師善調習鷹

隼者

也至者萬餘人

冬十月乙卯頒新式

去年四月壬辰改度量權

衡並依古式

今頒於天下

常駿等至赤土境赤土王利富多塞遣

使以三十舶迎之進金鑠以纜駿船

使疏吏翻下同舶莫百翻鑠蘇果翻

凡汎海百餘日入境月餘乃至其都

赤土所都名僧祇城

其王居

處

處昌
呂翻

器用窮極珍麗待使者禮亦厚遣其子那邪迦

隨駿入貢

加迎音

帝以右翊衛將軍河東薛世雄為王

門道行軍大將

帝改蒲州為河東郡隋志玉門縣屬敦煌郡改行軍總管為行軍大將將即亮

翻

與突厥啟民可汗連兵擊伊吾

厥九勿翻可從刊入聲汗音寒考異曰

世雄擊伊吾帝紀無之本傳前有從帝征吐谷渾後云歲餘以世雄為玉門大將與突厥啟民可汗擊伊吾然則似在大業六七年也按是時啟民已卒伐吐谷渾之歲伊吾吐屯設獻地數千里恩寵甚厚隋何故伐之今移在獻地之前師出玉門啟民不至世雄孤軍度磧伊吾初謂

隋軍不能至皆不設備聞世雄軍已度磧大懼請降

流沙

亦謂之磧磧七世雄

乃於漢故伊吾城東築城留銀青

光祿大夫王威以甲卒千餘人戍之而還

還從宣翻又音如字

五年春正月丙子改東京為東都突厥啓民可汗來

朝禮賜益厚

厥九勿翻可從刊入聲汗音寒朝直遙翻

癸未詔天下均田

戊子上自東都西還己丑制民間鐵叉搭鉤積刃

之類皆禁之

搭多臘翻積作管翻

二月戊申車駕至西京三

月己巳西巡河右乙亥幸扶風舊宅

河右河西武威諸郡地帝改岐州為

扶風郡

夏四月癸亥出臨津關

臨津關當在杞罕界臨河津水經注河水自澆河東

流逕邯川城南又東逕臨津城北白土城南為緣河濟渡之地度黃河至西平陳兵講

武將擊吐谷渾五月乙亥上大獵於拔延山

隋志西平郡化隆縣

有拔延山杜佑曰拔延山在廓州廣威縣隋場帝征吐渾經此山吐從噉入聲谷音浴

長圍亘二

十里

考異曰隋帝紀作二千里疑二十里字誤

庚辰入長寧谷

長寧谷在古晉昌郡

界水經注湟水逕臨羌縣故城南又東長寧川水注之長寧水東南流逕晉昌川又有長寧亭亭北有養女嶺即浩豐西度星嶺丙戌至浩豐川

水經注浩豐河出塞外逕西平之鮮谷塞

又東逕養女北山東南隋志西平郡湟水縣有舊浩豐縣浩豐音告門浩又音閣

以橋未成斬

都水使者黃亘及督役者九人

帝改都水監為都水使者考異曰隋帝紀云

梁浩豐御馬度而橋壞今從略記

數日橋成乃行吐谷渾可汗伏允帥

衆保覆素川

可從刊入聲汗音寒帥讀曰率

帝分命內史元壽南屯金

山兵部尚書段文振北屯雪山太僕卿楊義臣東屯琵琶

峽將軍張壽西屯泥嶺四面圍之伏允以數十騎遁

出遣其名王詐稱伏允保車我真山

騎奇寄翻車昌遮翻

壬辰詔

右屯衛大將軍張定和往捕之定和輕其衆少不被甲

挺身登山吐谷渾伏兵射殺之

少詩沼翻破皮義翻射而亦翻

其亞將

柳武建擊吐谷渾破之

將即亮翻

甲午吐谷渾仙頭王窮蹙

蹠與
蹇同

帥男女十餘萬口來降

帥讀曰率
降戶江翻

六月丁酉遣左

光祿大夫梁默等追討伏允兵敗為伏允所殺衛尉卿

劉權出伊吾道擊吐谷渾至青海

隋志西海郡有青海
吐谷渾傳青海在伏

俟城東周
回千餘里

虜獲千餘口乘勝追奔至伏俟城

吐谷渾都
伏俟城在

青海西
十五里

辛丑帝謂給事郎蔡徵曰自古天子有巡狩之

禮而江東諸帝多傅脂粉坐深宮不與百姓相見此何

理也對曰此其所以不能長世丙午至張掖

帝改甘州
為張掖郡

帝之將西巡也命裴矩說高昌王麴伯雅

麴姓也漢末
有西平麴演

說輸
芮翻

及伊吾吐屯設等

吐屯設意突厥所置以守伊吾

啗以厚利召使

入朝壬子帝至燕支山

隋志武威郡番禾縣有燕支山啗徒濫翻又徒覽翻朝直遙翻

燕因
肩翻

伯雅吐屯設等及西域二十七國謁於道左皆令

佩金玉被錦罽

令力丁翻被皮義翻罽音計

焚香奏樂歌舞諠譟帝

復令武威張掖士女盛飾縱觀衣服車馬不鮮者郡縣

督課之騎乘填咽

騎奇寄翻乘繩證翻

周亘數十里以示中國之

盛吐屯設獻西域數千里之地上大悅癸丑置西海河

源鄯善且末等郡

西海郡置於伏俟城河源郡置於赤水城鄯善郡置於古樓蘭城且末郡

置於古且末城鄯道元曰且末城東去鄯善郡七百二十里鄯時戰翻且子閭翻

謫天下罪人

為戍卒以守之命劉權鎮河源郡積石鎮

志云河源郡有積石山河

所出也杜佑曰積石山在西平郡龍支縣南

大開屯田扞禦吐谷渾以通西

域之路是時天下凡有郡一百九十縣一千二百五十

五戶八百九十萬有奇

奇居宜翻

東西九千三百里南北萬

四千八百一十五里隋氏之盛極於此矣帝謂裴矩有

綏懷之略進位銀青光祿大夫自西京諸縣及西北諸

郡皆轉輸塞外每歲鉅億萬計經途險遠及遇寇鈔

楚鈔

交人畜死亡不達者郡縣皆徵破其家由是百姓失業

西方先困矣初吐谷渾伏允使其子順來朝

吐從噉入聲谷音浴

朝直送翻帝留順不遣伏允敗走無以自資帥數千騎客於

党項

隋書党項羌者三苗之後也其種有宕昌白狼皆自稱獼猴種東接臨洮西平西拒葉護南北數千

里處山谷間每姓別為部落帥讀曰率党他朗翻

帝立順為可汗

可從刊入聲汗音寒

送

至玉門令統其餘衆以其大寶王尼洛周為輔

統他綜翻尼女

夷翻至西平其部下殺洛周順不果入而還

還從宣翻又音如字

丙

辰上御觀風殿

即觀風行殿也

大備文物引高昌王麴伯雅及

伊吾吐屯設升殿宴飲

考異曰略記在六月壬寅今從隋帝紀

其餘蠻夷

使者陪階庭者二十餘國奏九部樂

杜佑曰煬帝立清樂龜茲西凉天竺

康國疏勒安國高麗禮畢為九部使疏吏翻

及魚龍戲以娛之賜賚有差戊

午赦天下吐谷渾有青海俗傳置牝馬於其上得龍種

吐谷渾傳青海中有小山其俗至冬輒放牝馬於其上言得龍種吐谷渾嘗得波斯草馬放入青海因生驄駒

能日行千里時稱

秋七月置馬牧於青海縱牝馬二千

青海驄種章勇翻

匹於川谷以求龍種無効而止車駕東還經大斗拔谷

還從宣翻又如字新唐志凉州西二百里有大斗軍

本赤水守捉開元十六年為軍因大斗拔谷為名山

路隘險魚貫而出

單行相次若貫魚然

風雪晦冥文武飢餒沾濕

夜久不逮前營

逮及

士卒凍死者大半

考異曰帝紀在六月癸卯按

西邊地雖寒不容六月大雪凍死人畜今從略記略記作達十拔谷今從帝紀

馬驢什八九後

宮妃主或狼狽相失與軍士雜宿山間九月乙未車駕

入西京冬十一月丙子復幸東都

復扶又翻

民部侍郎裴

蘊以民間版籍脫漏戶口及詐注老小尚多奏令貌閱

令力丁翻閱其貌以驗老小

若一人不實則官司解職又許民糾得

一丁者令被糾之家代輸賦役

被皮義翻

是歲諸郡計帳進

丁二十萬三千新戶口六十四萬一千五百帝臨朝覽

狀

朝直
遙翻

謂百官曰前代無賢才致此罔冒今戶口皆實

全由裴蘊由是漸見親委未幾擢授御史大夫與裴矩

虞世基參掌機密蘊善候伺人主微意

幾居豈翻
伺相吏翻

所欲

罪者則曲法鍛成其罪所欲宥者則附從輕典因而釋
之是後大小之獄皆以付蘊刑部大理莫敢與爭必稟

承進止然後決斷

斷丁
亂翻

蘊有機辯言若懸河或重或輕

皆由其口剖析明敏時人不能致詰

書曰知人則哲能
官人史言知人善

任之難

突厥啓民可汗卒

厥九勿翻可從刊入聲汗音寒卒子恤翻

上為之

廢朝三日

為于偽翻朝直達翻下同

立其子咄吉

咄當沒翻

是為始畢可

汗表請尚公主詔從其俗

初內史侍郎薛道衡以才

學有盛名久當樞要高祖末出為襄州總管

帝改襄州為襄陽郡

帝即位自番州刺史召之

隋志廣州仁壽元年改番州益因番禺以名州帝改為南

海郡番依漢書音義音潘

欲用為祕書監道衡既至上高祖文皇帝

頌

上時掌翻

帝覽之不悅顧謂蘇威曰道衡致美先朝

致極也

此魚藻之義也

詩小序曰魚藻刺幽王也言萬物失其性王居鎬京將不能以自樂故君子思

古之武王焉

拜司隸大夫將置之罪司隸刺史房彥謙勸道

衡杜絕賓客卑辭下氣

帝置司隸大夫一人為司隸臺率又置司隸刺史十四人正六

品巡察畿外諸郡

道衡不能用會議新令久不決道衡謂朝士

曰向使高頴不死令決當久行有人奏之帝怒曰汝憶

高頴邪

朝直遙翻頴居永翻邪音耶

付執法者推之

推尋繹也推考而尋繹其事也

裴蘊奏道衡負才恃舊有無君之心推惡於國

推吐雷翻

妄

造禍端論其罪名似如隱昧原其情意深為悖逆

悖蒲內翻

又蒲沒翻

帝曰然我少時與之行役

謂伐陳時少詩照翻

輕我童稚

稚遲

二翻與高頴賀若弼等外擅威權若人者翻及我即位懷不自

安賴天下無事未得反耳公論其逆妙體本心道衡自

以所坐非大過促憲司早斷斷丁亂翻冀奏日帝必赦之敕

家人具饌以備賓客來候者饌雛戀翻及奏帝令自盡

道衡殊不意未能引決憲司重奏縊而殺之妻子徙且

末令力丁翻重直龍翻縊於賜翻且子問翻天下寬之帝大閱軍實稱器

甲之美宇文述因進言此皆雲定興之功帝即擢定興

為太府丞

六年春正月癸亥朔未明三刻有盜數十人素冠練衣

焚香持華自稱彌勒佛入自建國門

釋氏之說以為釋迦佛衰謝彌勒佛

出世故盜稱之以為新建國門蓋東都皇城端門也唐六典云武德五年平王世充惡其壯麗焚乾陽殿及建國門華讀曰花

考異曰雜記在

監門者皆稽首

監古銜翻

五年正月又云三百人今從隋書

稽音啓既而奪衛士仗將為亂齊王陳遇而斬之於是都

下大索

陳古限翻索山客翻

連坐者千餘家

帝以諸蕃酋長畢

集洛陽

酋才由翻長知兩翻

丁丑於端門街

洛陽皇城端門外之街

盛陳百

戲戲場周圍五千步執絲竹者萬八千人聲聞數十里

聞音問

自昏至旦燈火光燭天地終月而罷所費巨萬自

是歲以為常

丁丑正月十五日今人元宵行樂蓋始盛於此

諸蕃請入豐都市

交易

東都東市曰豐都南市曰大同北市曰通遠

帝許之先命整飾店肆簷

宇如一盛設帷帳珍貨充積人物華盛賣菜者亦藉以

龍須席

龍須席以龍須草織成今淮上安慶府居人能織龍須席

胡客或過酒食

店

過工未翻

悉令邀延就坐

坐祖卧翻

醉飽而散不取其直給之

曰中國豐饒酒食例不取直胡客皆驚歎其黠者頗覺

之

給徒亥翻黠戶八翻慧也

見以繒帛纏樹曰中國亦有貧者衣不

蓋形何如以此物與之纏樹何為市人慙不能答帝稱

裴矩之能謂羣臣曰裴矩大識朕意凡所陳奏皆朕之

成算未發之頃矩輒以聞自非奉國盡心孰能若是是

時矩與右翊衛大將軍宇文述內史侍郎虞世基御史

大夫裴蘊光祿大夫郭衍皆以諂諛有寵述善於供奉

容止便辟

便毗連翻
辟讀曰僻

侍衛者咸取則焉郭衍嘗勸帝五

日一視朝

朝直遙
翻下同

曰無効高祖空自勤苦帝益以為忠

曰唯有郭衍心與朕同帝臨朝凝重

朝直遙翻

發言降詔辭

義可觀而内存聲色其在兩都及巡遊常以僧尼道士

女官自隨

女官即女道士

謂之四道場梁公蕭鉅琮之弟子千

牛左右宇文晶慶之孫也

隋志千牛備身左右十二人掌供御弓箭宇文慶見一百

七十三卷陳高宗太建十一年晶戶了翻

皆有寵於帝帝每日於苑中林亭

間盛陳酒饌

饌雖皖翻又雖戀翻

敕燕王俠與鉅晶及高祖嬪御

為一席

俠徒甘翻嬪毗賓翻

僧尼道士女官為一席帝與諸寵姬

為一席略相連接罷朝即從之

朝直遙翻

宴飲更相勸侑

更工

衡翻酒酣殺亂靡所不至以是為常楊氏婦女之美者往

往進御晶出入宮掖不限門禁至於妃嬪公主皆有醜

聲帝亦不之罪也

帝復遣朱寬招撫流求

復扶又翻

流求

不從帝遣虎賁郎將廬江陳稜朝請大夫同安張鎮周

發東陽兵萬餘人自義安汎海擊之

賁音奔將即亮翻帝改廬州為廬江

郡熙州為同安郡婺州為東陽郡潮州為義安郡

行月餘至其國以鎮周為先

鋒流求王渴刺兜

刺盧達翻

遣兵逆戰屢破之遂至其都

流求

國王所居曰婆羅檀洞壑柵三重環以流水樹棘為藩

渴刺兜自將出戰

將即亮翻

又

敗退入柵稜等乘勝攻拔之斬渴刺兜虜其民萬餘口

而還

還從宣翻
又如字

二月乙巳稜等獻流求俘頒賜百官進

稜位右光祿大夫鎮周金紫光祿大夫 乙卯詔以近

世茅土妄假名實相乖自今唯有功勲乃得賜封仍令

子孫承襲於是舊賜五等爵非有功者皆除之 庚申

以所徵周齊梁陳散樂

散悉
但翻

悉配太常皆置博士弟子

以相傳授樂工至三萬人 三月癸亥帝幸江都宮

初帝欲大營汾陽宮令御史大夫張衡具圖奏之

異曰考

張衡傳云帝幸衡宅之明年幸汾陽宮又云
明年復幸汾陽宮按今紀皆無其事恐傳誤

衡乘間

進諫曰比年勞役繁多

間古覓翻
比毗至翻

百姓疲弊伏願留神

稍加抑損帝意甚不平後目衡謂侍臣曰張衡自謂由

其計畫令我有天下也

丁令力翻

乃錄齊王暕攜皇甫詡從

駕及前幸涿郡祠恒岳時父老謁見者衣冠多不整

暕古

限翻從才用翻恒
戶登翻見賢遍翻

譴衡以憲司不能舉正

張衡以御史大夫故譴之

以憲司職分

出為榆林太守久之衡督役築樓煩城

大業四年置樓

煩郡後魏之嵐州也本漢之汾陽縣
地時置汾陽宮故築城宇式入鄙

因帝巡幸得謁帝

帝惡衡不損瘦

惡鳥路翻

以為不念咎謂衡曰公甚肥澤宜

且還郡復遣之榆林

還從宣翻又音如字復扶又翻又音如字

未幾敕衡督

役江都宮禮部尚書楊玄感使至江都

幾居豈翻使疏吏翻

衡謂

玄感曰薛道衡真為枉死玄感奏之江都郡丞王世充

又奏衡頻減頓具帝於是發怒鎖詣江都市將斬之久

乃得釋除名為民放還田里以王世充領江都宮監世

充本西域胡人姓支氏父沒幼從其母嫁王氏因冒其

姓世充性譎詐有口辯頗涉書傳好兵法習律令

譎古穴翻

傳直戀翻好呼到翻下同

帝數幸江都

數所角翻

世充能伺候顏色為阿

諛雕飾池臺奏獻珍物由是有寵

為王世充乘時僭
竊張本同相吏翻

夏六月甲寅制江都太守秩同京尹

隋制京尹
正三品

冬十

二月己未文安憲侯牛弘卒

按牛弘傳弘爵奇章郡公
卒贈文安縣侯謚曰憲此

書其贈謚也隋志文安
縣屬河間郡卒子恤翻

弘寬厚恭儉學術精博隋室舊

臣始終信任悔吝不及者唯弘一人而已弟弼好酒而

酌

酌香句翻
醉怒也

嘗因醉射殺弘駕車牛

射而
亦翻

弘來還宅

還從

宣翻又
音如字

其妻迎謂之曰叔射殺牛弘無所怪問直答云

作脯坐定其妻又曰叔忽射殺牛大是異事弘曰已知

之矣顏色自若讀書不輟 敕穿江南河自京口至餘

杭八百餘里

今浙西運河自杭州達鎮江府入大江是也鎮江古京口也帝改杭州為餘杭郡

廣十餘丈

廣古曠翻

使可通龍舟并置驛宮草頓欲東巡會

稽

帝改越州復曰會稽郡會古外翻

上以百官從駕皆服袴褶

從才用翻

褶音習

於軍旅間不便是歲始詔從駕涉遠者文武官皆

戎衣五品以上通著紫袍六品以下兼用緋綠

自此文武官常

服遂以為品色著則略翻緋音非

胥史以青庶人以白屠商以皂

皂才早翻

士卒以黃 帝之幸啟民帳也

見上卷三年

高麗使者在啟

民所

麗力知翻
使疏吏翻

啟民不敢隱與之見帝

見賢
遍翻

黃門侍郎

裴矩說帝曰高麗本箕子所封之地漢晉皆為郡縣

周武

王封箕子於朝鮮秦末衛滿據之傳國至孫右渠漢武帝滅之開為四郡漢末公孫度據之傳國至孫淵魏滅之至晉皆為郡縣高麗之先出於夫餘朱蒙建國號高句驪以高為氏魏晉以來中國兵亂高麗內侵併有遼東地說輸為翻朝

漢書音義音潮

今乃不臣別為異域先帝欲征之久

矣但楊諒不肖師出無功

事見一百七十八
卷開皇十八年

當陛下之

時安可不取使冠帶之境遂為蠻貊之鄉乎今其使者

親見啟民舉國從化可因其恐懼脅使入朝

朝直遙
翻下同

帝

從之敕牛弘宣旨曰朕以啓民誠心奉國故親至其帳

明年當往涿郡爾還日語高麗王

還從宣翻又音如字語牛倨翻麗力知翻

勿自疑懼存育之禮當如啓民苟或不朝將帥啓民往

巡彼土

帥讀曰率

高麗王元懼藩禮頗闕帝將討之課天下

富人買武馬匹至十萬錢簡閱器仗務令精新或有濫

惡則使者立斬

令力丁翻

七年春正月壬寅真定襄侯郭衍卒

真定縣侯也隋志恒山郡治真定縣

卒子恤翻

二月己未上升釣臺臨楊子津大宴百僚乙亥

帝自江都行幸涿郡御龍舟度河入永濟渠仍勅選部

門下內史御史四司之官於船前選補

選部之選宣總
翻選補之選如

字

其受選者三千餘人或徒步隨船三千餘里不得處

分

處昌呂翻
分扶問翻

凍餒疲頓因而致死者什一二 壬午下

詔討高麗敕幽州總管元弘嗣

大業初已廢諸州總管
府此書元弘嗣前官

往東萊海口

帝改萊州
為東萊郡

造船三百艘

艘蘇
遣翻

官吏督役晝

夜立水中略不敢息自腰以下皆生蛆死者什三四

子蛆

余

夏四月庚午車駕至涿郡之臨朔宮

唐志幽州薊縣
有故隋臨朔宮

考異曰畧記曰丙午幸涿郡之新宮
按長歷是月丙辰朔無丙午今從帝紀

文武從官九品

以上並令給宅安置

從才用翻

先是詔摠徵天下兵無問遠

近俱會於涿

涿即涿郡先悉薦翻

又發江淮以南水手一萬人弩

手三萬人嶺南排鑛手三萬人

鑛七亂翻小稍也

於是四遠奔

赴如流五月勅河南淮南江南造戎車五萬乘送高陽

隋志高陽縣屬河間郡乘繩證翻

供載衣甲幔幕

幔莫半翻

令兵士自挽之

發河南北民夫以供軍須秋七月發江淮以南民夫及

船運黎陽及洛口諸倉米至涿郡

令力丁翻黎陽縣屬汲郡有黎陽倉洛口

倉初置見
上卷二年 舳艫相次千餘里

舳艫音逐盧

載兵甲及攻取之

具往還在道常數十萬人填咽於道晝夜不絕死者相

枕

枕職任翻

臭穢盈路天下騷動 山東河南大水漂沒三

十餘郡冬十月乙卯底柱崩偃河逆流數十里

砥柱在河南郡

陝縣北河中底與砥同

初帝西巡

見五年

遣侍御史韋節

隋制御史臺侍御史

八名西突厥處羅可汗

厥九勿翻處昌呂翻可從刊入聲汗音寒

令與車駕

會大斗拔谷國人不從處羅謝使者辭以佗故帝大怒

無如之何會其酋長射墮遣使來求婚

令力丁翻使疏吏翻酋才由翻

長知裴矩因奏曰處羅不朝恃彊大耳臣請以計弱之

分裂其國即易制也

朝直遙翻下同易以豉翻

射匱者都六之子達

頭之孫

杜佑曰都六者突厥始建號者也今矩言都六為達頭之子則非始建號者也

世為可

汗君臨西面今聞其失職附屬處羅故遣使來以結援

耳願厚禮其使拜為大可汗則突厥勢分兩從我矣

言射

匱處羅將兩皆從隋也

帝曰公言是也因遣矩朝夕至館微諷諭

之帝於仁風殿召其使者言處羅不順之狀稱射匱向

善吾將立為大可汗令發兵誅處羅然後為婚帝取桃

竹白羽箭一枝

桃竹桃枝竹也
今江南有之

以賜射匱因謂之曰此

事宜速使疾如箭也使者返路經處羅處羅愛箭將留

之使者譎而得免

譎古
穴翻

射匱聞而大喜與兵襲處羅處

羅大敗棄妻子將數千騎東走緣道被劫寓於高昌東

保時羅漫山

新唐志伊州伊吾縣有時羅漫山亦曰天山將即亮翻又音如字領也騎奇寄翻被

皮義
翻

高昌王麴伯雅上狀

上言
其狀

帝遣裴矩與向氏親要

左右馳至玉門關晉昌城

新唐志玉門關在沙州壽昌縣西北

曉諭處羅

使入朝十二月己未處羅來朝於臨朔宮

朝直
遙翻

帝大悅

接以殊禮帝與處羅宴處羅稽首謝入見之晚帝以溫

言慰勞之

稽音啓見賢通翻勞力到翻

備設天下珍膳盛陳女樂羅

綺絲竹眩曜耳目然處羅終有怏怏之色

怏於兩翻

帝自

去歲謀討高麗詔山東置府令養馬以供軍役又發民

夫運米積於瀘河懷遠二鎮

新唐志曰隋於營州之境汝羅故城置遼西郡領遼

西瀘河懷遠三縣瀘音盧

車牛往者皆不返士卒死亡過半耕稼失

時田疇多荒加之饑饉穀價踊貴東北邊尤甚斗米直

數百錢所運米或粗惡

粗倉手翻

令民糴而償之又發鹿車

夫六十餘萬

鹿車小車也言其小止容一鹿

二人共推米三石

推吐雷翻

道

途險遠不足充餽糧

餽戶鉤翻乾食也

至鎮無可輸皆懼罪亡

命重以官吏貪殘

重直用翻

因緣侵漁百姓困窮財力俱竭

安居則不勝凍餒

勝音升

死期交急剽掠則猶得延生

剽匹

妙翻於是始相聚為羣盜鄒平民王薄擁衆據長白山

鄒平

縣宋所僞置平原郡縣之地隋開皇十八年改名鄒平時屬齊郡唐併入齊州臨濟縣長白山在章丘縣界亦屬齊郡宋白曰淄州長山縣宋於此僞立廣川郡及武彊縣隋改武彊為長山以縣西南三十五里長白山為名剽掠齊濟之郊

帝改齊州為齊郡濟州為濟北郡剽匹妙翻濟子禮翻

自稱知

世郎言事可知矣又作無向遼東浪死歌以相感勸

浪死

猶言徒死也

避征役者多往歸之平原東有豆子航

帝改德州為平

原郡航舉朗翻鹽澤也

負海帶河地形深阻自高齊以來羣盜多

匿其中有劉霸道者家於其旁累世仕宦貲產富厚霸

道喜遊俠

喜許記翻

食客常數百人及羣盜起遠近多往依

之有衆十餘萬號阿舅賊

阿烏葛翻

漳南人竇建德

漳南本漢東陽

縣地久廢開皇六年復置十八年改為漳南屬清河郡宋白曰取地居漳水之南為名

少尚氣俠

膽力過人為鄉黨所歸附會募人征高麗建德以勇敢

選為二百人長

少詩照翻
長知兩翻

同縣孫安祖亦以驍勇選為

征士

驍堅
堯翻

安祖辭以家為水所漂妻子餒死縣令怒笞

之安祖刺殺令

刺七
亦翻

亡抵建德

考異曰杜儒童隋季
革命記云安祖以盜羊

為縣令所考今從
舊唐書建德傳

建德匿之官司逐捕蹤跡至建德家

建德謂安祖曰文皇帝時天下殷盛發百萬之衆以伐

高麗尚為所敗

即謂開皇十八
年事敗補邁翻

今水潦為災百姓困窮

加之往歲西征

謂西征
吐谷渾

行者不歸瘡痍未復主上不恤

乃更發兵親擊高麗天下必大亂丈夫不死當立大功

豈可但為亡虜邪

邪音耶

乃集無賴少年得數百人使安

祖將之

少詩照翻將即亮翻

入高雞泊中為羣盜

新唐書曰高雞泊廣袤數百里

葭蘆阻奧可以違難

安祖自號將軍時鄆人張金稱聚衆河曲

鄆漢

縣舊廢開皇十六年復置屬清河郡河曲清河之曲新唐書作河渚鄆音輸

蔣人高士達聚

衆於清河境內為盜

蔣舊曰修開皇五年改屬信都郡蔣音條

郡縣疑建德

與賊通悉收其家屬殺之

新書曰時羣盜往來漳南剽殺人焚鄉聚獨不入建德閭

由是郡縣疑其與賊通

建德帥麾下二百人亡歸士達

帥讀曰率

士達

自稱東海公以建德為司兵頃之孫安祖為張金稱所

殺其衆盡歸建德兵至萬餘人建德能傾身接物與士

卒均勞逸由是人爭附之為之致死

為于偽翻實建德始此

自是

所在羣盜蜂起不可勝數

勝音升數所具翻

徒衆多者至萬餘

人攻陷城邑甲子勅都尉鷹揚與郡縣相知追捕

隋置奉車

駙馬都尉屬三衛帝並廢之此蓋置都尉以討羣盜帝又改驃騎為鷹揚郎將

隨獲斬決

隨所獲而

斬決之然莫能禁止

八年春正月

考異曰略記云癸丑帝御前殿按長歷是月辛巳朔無癸丑略記甲子多差誤今

不取皆從隋書

帝分西突厥處羅可汗之衆為三

厥九勿翻處昌呂翻可從

刊入聲
汗音寒

使其弟闕度設將羸弱萬餘口居于會寧

突厥之官

典兵者謂之設靈州鳴沙縣後周置會州會寧郡尋廢唐復置將即亮翻下同羸倫為翻

考異曰隋西突厥

傳作達度闕設
今從裴矩傳

又使特勒大奈別將餘衆居于樓煩

突厥

之官子弟
為特勒

命處羅將五百騎常從車駕巡幸賜號曷娑

那可汗

騎奇寄翻
那可汗今從隋書

按今隋書作曷薩那

賞賜甚

厚初嵩高道士潘誕

隋志河南郡嵩陽縣有嵩高山

自言三百歲為

帝合煉金丹帝為之作嵩陽觀

為于偽翻合音
閣觀古玩翻

華屋數

百間以童男童女各一百二十人充給使位視三品常

役數千人所費鉅萬云金丹應用石膽石髓

髓息委翻

發石

工鑿嵩高大石深百尺者數十處

深式浸翻

凡六年丹不成

帝詰之

詰去吉翻

誕對以無石膽石髓若得童男女膽髓各

三斛六斗可以代之帝怒鎖詣涿郡斬之且死語人曰

語牛倨翻

此乃天子無福值我兵解時至

解佳買翻一作假音學仙者謂蛻骨

登仙為尸解故其徒謂死為解化今誕謂兵死為兵解

我應生梵摩天云

梵扶泛翻

四方兵皆集涿郡帝徵合水令庾質

質出合水見上四年

問曰高

麗之衆不能當我一郡今朕以此衆伐之卿以為克不

麗力知翻
不讀曰否

對曰伐之可克然臣竊有愚見不願陛下親

行帝作色曰朕今摠兵至此豈可未見賊而先自退邪

邪音耶

對曰戰而未克懼損威靈若車駕留此命猛將勁

卒

將即亮翻

指授方略倍道兼行出其不意克之必矣事機

在速緩則無功帝不悅曰汝既憚行自可留此右尚方

署監事耿詢上事切諫

監事監作者也秩九品
監古銜翻上時掌翻

帝大怒

命左右斬之何稠苦救得免壬午詔左十二軍出鏤方

長岑溟海蓋馬建安南蘇遼東玄菟扶餘朝鮮沃沮樂

浪等道

帝指授諸軍所出之道多用漢縣舊名漢志鏤方長岑朝鮮屬樂浪郡蓋馬屬玄菟郡有蓋馬

大山遼東漢郡名濱海蓋即漢樂浪郡之海冥縣建安南蘇扶餘皆高麗國城守之處沃沮亦古地名是時其地已入新羅界鏤郎豆翻菟音塗朝音

朝鮮音仙沮子餘翻樂音洛浪音郎

右十二軍出鏤

蟬含資渾彌臨屯候城提奚蹋頓肅慎碣石東肅帶方

襄平等道

漢志鏤蟬含資渾彌提奚東肅帶方等縣屬樂浪郡候城襄平屬遼東郡臨屯亦漢武帝

所置郡名蹋頓即漢末遼西烏丸蹋頓所居肅慎古肅慎氏之國其地時為靺鞨所居碣石禹貢之碣石也杜佑以為此碣石在高麗中佑曰碣石山在漢樂浪郡遂城縣秦長城起於此山今驗長城東截遼水而入高麗遺址猶存黏女廉翻蟬服虔音提蹋駱驛引途駱驛相徒盍翻碣其列翻駢應劭曰音移繼不絕

也 摠集平壤

平壤城高麗國都也亦曰長安城東西六里隨山屈曲南臨湍水杜佑曰高麗王自

東晉以後居平壤城即漢樂浪郡王險城

凡一百一十三萬三千八百人號

二百萬其餽運者倍之宜社於南桑乾水上類上帝於

臨朔宮南

記王制天子將出類乎上帝宜乎社鄭氏注類宜皆祭名孔穎達曰天道遠以事類而祭

告之也社主殺戮故求便宜社主陰萬物於此斷殺故曰宜桑乾河逕薊城南水經濕水出雁門陰館縣東北

過代郡桑乾縣謂之桑乾水東過廣陽薊縣北今在薊城南城邑有變遷也乾音干祭馬祖於薊

城北

周禮祭馬祖鄭氏注曰馬祖天駟也

帝親授節度每軍大將亞將各

一人騎兵四十隊隊百人十隊為團步卒八十隊分為

四團團各有偏將一人其鎧冑纓拂旗幡每團異色

將即

亮翻騎奇寄
翻鎧可亥翻

受降使者一人承詔慰撫不受大將節制

其輜重散兵等亦為四團

降戶江翻使疏吏翻
重直用翻散悉但翻

使步卒

挾之而行進止立營皆有次叙儀法癸未第一軍發日
遣一軍相去四十里連營漸進終四十日發乃盡首尾
相繼鼓角相聞旌旗亘九百六十里御營內合十二衛
三臺五省九寺分隸內外前後左右六軍次後發又亘
八十里近古出師之盛未之有也 甲辰內史令元壽

薨

二月壬戌觀德王雄薨

觀王雄諡曰德觀古玩翻

北平襄侯

段文振為兵部尚書上表以為帝寵待突厥太厚處之

塞內

上時掌翻處昌呂翻

資以兵食邊番之民無親而貪異日必

為國患宜以時諭遣令出塞外

令力丁翻下同

然後明設烽候

緣邊鎮防務令嚴重此萬歲之長策也兵曹郎斛斯政

椿之孫也

帝改尚書諸曹侍郎為郎兵曹郎開皇之兵部侍郎也斛斯椿構間後魏孝武高歡者也

以器幹明悟為帝所寵任使專掌兵事文振知政險薄

不可委以機要屢言於帝帝不從及征高麗以文振為

左侯衛大將軍出南蘇道文振於道中疾篤上表曰竊
見遼東小醜未服嚴刑遠降六師親勞萬乘但夷狄多
詐深須防擬口陳降款毋宜遽受

乘繩證翻
降戶江翻

水潦方降

不可淹遲唯願嚴勒諸軍星馳速發水陸俱前出其不
意則平壤孤城勢可拔也若傾其本根餘城自克如不
時定脫遇秋霖深為艱阻兵糧既竭彊敵在前韎韐出

後

韎音末
韐音曷

遲疑不決非上策也三月辛卯文振卒

卒子
恤翻

帝甚惜之癸巳上始御師進至遼水衆軍摠會臨水

為大陳

陳讀曰陣

高麗兵阻水拒守隋兵不得濟左屯衛大

將軍麥鐵杖謂人曰丈夫性命自有所在豈能然艾灸

頰瓜蒂歎鼻治黃不差而卧死兒女手中乎

黃熱病也熱則頭痛

故燃艾以灸頰熱則上壅瓜蒂味苦寒故噴鼻以通關

隔差愈也然與燃同灸居又翻頰烏葛翻鼻頰說文曰

頰鼻莖蒂音帝歎蒲悶

翻差楚懈翻治直之翻

乃自請為前鋒謂其三子曰吾

荷國恩

荷下可翻

今為死日我得良殺汝當富貴帝命工部

尚書宇文愷造浮橋三道於遼水西岸既成引橋趨東

岸

趨七喻翻

橋短不及岸丈餘高麗兵大至隋兵驍勇者爭

赴水接戰

驍堅
堯翻

高麗兵乘高擊之隋兵不得登岸死者

甚衆麥鐵杖躍登岸與虎賁郎將錢士雄孟叉等皆戰

死

考異曰雜記作錢英
孟金釵今從隋帝紀

乃斂兵引橋復就西岸詔贈

鐵杖宿公

宿古
國名

使其子孟才襲爵次子仲才季才並拜

官正議大夫更命少府監何稠接橋

更工衡翻
少始照翻

二日而

成諸軍相次繼進大戰于東岸高麗兵大敗死者萬計

諸軍乘勝進圍遼東城即漢之襄平城也車駕度遼

考

異曰隋帝紀癸巳上御師甲子臨遼水橋戊戌麥鐵杖
死甲午車駕度遼乙未大頓丙申大赦按長歷是月庚

辰朔不容有甲子又戊戌之下不容有甲午乙未丙申此必誤也今並除之

引曷薩那可汗

及高昌王伯雅觀戰處以懾憚之

懾之涉翻

因下詔赦天下

命刑部尚書衛文昇尚書右丞劉士龍撫遼左之民給

復十年

復方目翻

建置郡縣以相統攝

夏五月壬午納言

楊達薨

諸將之東下也帝親戒之曰今者弔民伐罪

非為功名諸將或不識朕意欲輕兵掩襲孤軍獨鬪立

一身之名以邀勲賞非大軍行法

言非大軍征行之法將即亮翻

公等

進軍當分為三道有所攻擊必三道相知毋得輕軍獨

進以致失亡又凡軍事進止皆須奏聞待報毋得專擅

遼東數出戰不利

數所角翻

乃嬰城固守帝命諸軍攻之又

勅諸將高麗若降即宜撫納不得縱兵遼東城將陷城

中人輒言請降

降戶江翻

諸將奉旨不敢赴機先令馳奏比

報至

比必寐翻

城中守禦亦備隨出拒戰如此再三帝終不

寤既而城久不下六月己未帝幸遼東城南觀其城池

形勢因召諸將詰責之曰公等自以官高又恃家世欲

以暗懦待我邪

詰去吉翻懦乃卧翻又乃亂翻邪音耶下同

在都之日公等

皆不願我來恐見病敗耳我今來此正欲觀公等所為

斬公輩耳公今畏死莫肯盡力謂我不能殺公邪諸將

咸戰懼失色帝因留城西數里御六合城

此六合城略如三年行城

之制周回八里城及女垣高十仞

高麗諸城各堅守不下右翊衛大將

軍來護兒帥江淮水軍舳艫數百里浮海先進入自淇

水班志淇水西至增地縣入海皆在樂浪界帥讀曰率舳艫音逐盧淇普大翻

去平壤六十

里與高麗相遇進擊大破之護兒欲乘勝趣其城

趣七喻翻

副摠管周法尚止之請俟諸軍至俱進護兒不聽簡精

甲四萬直造城下

造七到翻

高麗伏兵於羅郭內空寺中出

兵與護兒戰而偽敗護兒逐之入城縱兵俘掠無復部

伍伏兵發護兒大敗僅而獲免士卒還者不過數千人

高麗追至船所周法尚整陳待之高麗乃退護兒引兵

還屯海浦不敢復留應接諸軍

陳讀曰陣復扶又翻考異曰北史云護破高

麗斬高元弟建武因破其郛營於城外以待諸軍今從隋書及革命記

左翊衛大將軍宇

文述出扶餘道右翊衛大將軍于仲文出樂浪道

隋制十三

衛各置大將軍一人來護兒于仲文並書右翊衛大將軍何也攷二人本傳于仲文帝即位之初為右翊衛大

將軍征吐渾時來護兒已為右翊
衛大將軍通鑑蓋追書仲文官也
左驍衛大將軍荆元

恒出遼東道

驍堅堯翻
恒戶登翻

右翊衛將軍薛世雄出沃沮道

左屯衛將軍辛世雄出玄菟道

沮子餘翻
菟音塗

右禦衛將軍

張瑾出襄平道右武侯將軍趙孝才出碣石道涿郡太

守檢校左武衛將軍崔弘昇出遂城道檢校右禦衛虎

賁郎將衛文昇出增地道

守式又翻
將即亮翻

皆會於皐綠水西

班志玄菟郡西蓋馬縣有馬訾水新唐書馬訾水出靺
鞨之白山色若皐頭號皐綠水平壤城在皐綠東南金
人謂皐綠水為混同江杜佑曰皐綠水闊三百步
述等在平壤西北四百五十里遼水東南四百八十里

兵自瀘河懷遠二鎮人馬皆給百日糧又給排甲槍稍

稍色
角翻

并衣資戎具火幕人別三石已上重莫能勝致

勝音

升

下令軍中士卒有遺弃米粟者斬軍士皆於幕下掘

坑埋之纔行及中路糧已將盡高麗遣大臣乙支文德

詣其營詐降

乙支東夷複姓麗力知翻降戶江翻下同
考異曰革命記作尉支文德今從隋書

及北
史

實欲觀虛實于仲文先奉密旨若遇高元及文德

來者必擒之仲文將執之尚書右丞劉士龍為慰撫使

使疏吏
翻下同

固止之仲文遂聽文德還

還從
宣翻

既而悔之遣人

給文德曰更欲有言可復來

給待亥翻
復扶又翻

文德不顧濟島

綠水而去仲文與述等既失文德內不自安述以糧盡

欲還仲文議以精銳追文德可以有功述固止仲文怒

曰將軍仗十萬之衆不能破小賊何顏以見帝且仲文

此行固知無功何則古之良將能成功者軍中之事決

在一人

將即亮
翻下同

今人各有心何以勝敵時帝以仲文有

計畫令諸軍諮稟節度故有此言由是述等不得已而

從之與諸將度水追文德文德見述軍士有飢色故欲

疲之每戰輒走述一日之中七戰皆捷既恃驟勝又逼

羣議於是遂進東濟薩水

薩桑葛翻

去平壤城三十里因山

為營文德復遣使詐降

復扶又翻

請於述曰若旋師者當奉

高元朝行在所

朝直遙翻

述見士卒疲弊不可復戰

復扶又翻

又

平壤城險固度難猝拔

度徒洛翻

遂因其詐而還

使來護兒之師不敗

而先退則營於平壤城外與宇文述諸軍猶聲援相接

不致有薩水之狼狽也還從宣翻又如字下同

考異

曰革命記云許公即至平壤城頭即樹降幡約至五日
檢錄簿籍圖書開門待命期過五日無一言許公頻催
竟無報答又十數日乃云船糧敗却迴公今更欲何待
然始抗旌拒守分兵以據險要許公知被欺即卷甲歸

每日常設方陳而行四面俱時受敵傷殺既衆糧食又盡過遼水者什無二三按煬帝驕暴高麗若明言不降述等必不敢還今從隋書述等為方陳而行高麗四面鈔擊

陳讀曰陣鈔楚

交翻麗力知翻

述等且戰且行秋七月壬寅至薩水軍半濟高

麗自後擊其後軍右屯衛將軍辛世雄戰死於是諸軍

俱潰不可禁止將士奔還一日一夜至帛綠水行四百

五十里將軍天水王仁恭為殿

殿丁練翻

擊高麗却之來護

兒聞述等敗亦引還唯衛文昇一軍獨全

還從宣翻又如字

初

九軍度遼凡三十萬五千及還至遼東城唯二千七百

人資儲器械巨萬計

巨萬萬萬也

失亡蕩盡帝大怒鎖繫述

等癸卯引還

考異曰雜記七月帝自涿郡還東都十一月宇文述等糧盡遁歸高麗出兵邀截

亡失蕩盡帝怒敕所司鎖將隨行無幾斬劉士龍等於軍市特赦述今從隋書

初百濟王璋遣

使請討高麗帝使之覘高麗動靜

麗力知翻使疏吏翻覘丑廉翻又丑艷翻

璋內與高麗潛通隋軍將出璋使其臣國智年來請師

期帝大悅厚加賞賜遣尚書起部郎席律詣百濟

隋志起部

郎屬工部尚書姓苑席姓其先姓籍避項羽諱改姓席氏

告以期會

告以起師之期及會師之日也

及隋軍度遼百濟亦嚴兵境上聲言助隋實持兩端是

行也唯於遼水西拔高麗武厲邏

高麗置邏於遼水之西以警察度遼者邏

郎佐翻

置遼東郡及通定鎮而已八月勅運黎陽洛口太

原等倉穀

開皇三年於衛州置黎陽倉其汾晉之粟漕運以給京師汾晉以北諸州輸之太原倉

向望海頓

望海頓當在遼西界

使民部尚書樊子蓋留守涿郡九

月庚寅車駕至東都

考異曰雜記十月車駕幸涿郡徵召兵馬將遂度遼之功蓋誤今

不取

冬十月甲寅工部尚書宇文愷卒

卒子愷翻

十一月

己卯以宗女為華容公主嫁高昌 宇文述素有寵於

帝且其子士及尚帝女南陽公主故帝不忍誅甲申與

于仲文等皆除名為民斬劉士龍以謝天下

以士龍縱乙支文德

也薩水之敗高麗追圍薛世雄於白石山世雄奮擊破

之由是獨得免官以衛文昇為金紫光祿大夫諸將皆

委罪於于仲文帝既釋諸將獨繫仲文仲文憂恚發病

困篤乃出之卒于家

恚於避翻卒于恤翻

考異曰略

記于仲文以下斬於市今從隋書

是歲大旱疫山東尤甚

張衡既放廢

衡放還田里見上六年

帝每令親人覘衡所為

覘丑廉翻又丑艷翻

帝還自遼東衡妾告

衡怨望謫訕朝政

朝直遙翻

詔賜盡于家衡臨死大言我為

人作何等事

謂仁壽四年事也為于偽翻

而望久活監刑者塞耳

監古

銜翻塞悉則翻

促令殺之

令力丁翻



資治通鑑卷一百八十一

欽定四庫全書

總校官庶吉士臣侍朝

校對官檢討臣龔大萬

謄錄監生臣李士勲

欽定四庫全書薈要

史部

資治通鑑卷一百八十三

詳校官編修臣汪鏞



欽定四庫全書薈要卷七千一百六十八

史部

資治通鑑卷一百八十二 宋 司馬光 撰

胡三省 音註


隋紀六 起昭陽作噩盡旃蒙大淵獻凡三年

煬皇帝中

大業九年春正月丁丑詔徵天下兵集涿郡始募民為

驍果

為驍果作逆張本驍古堯翻

修遼東古城以貯軍糧

漢晉以來遼東郡皆

治襄平慕容氏始鎮平郭前伐高麗圍遼東言即漢襄平城今言復修古城蓋城郭有遷徙也貯下呂翻

靈武賊帥白瑜娑

帝改靈州為靈武郡帥所類翻娑桑何翻考異曰隋書作白榆妄今從

略記

劫掠牧馬北連突厥

厥九勿翻

隴右多被其患

被皮義翻

謂之

奴賊 戊戌赦天下

己亥命刑部尚書衛文昇等輔

代王侑留守西京

是後李淵得以尊立代王守手又翻

一月壬午詔宇

文述以兵糧不繼遂陷王師

事見上卷上年

乃軍吏失於支料

非述之罪宜復其官爵

考異曰雜記在去年十二月今從隋書

尋又加開

府儀同三司

帝謂侍臣曰高麗小虜侮慢上國今拔

海移山猶望克果

克能也果決也麗力知翻

况此虜乎乃復議伐高

麗

復扶又翻

左光祿大夫郭榮諫曰戎狄失禮臣下之事千

鈞之弩不為鼯鼠發機

杜襲諫曹操嘗有是言鼯音奚小鼠也

奈何親辱

萬乘以敵小寇乎

乘繩證翻

帝不聽

二月丙子濟陰孟海

公起為盜保據周橋

帝改曹州為濟陰郡濟子禮翻

衆至數萬見人稱

引書史輒殺之

丁丑發丁男十萬城大興

大興城西京城

戊寅帝幸遼東命民部尚書樊子蓋等

開皇三年改度支尚書為戶部

尚書帝又改為民部尚書併曹郎亦改之

輔越王侗留守東都

是後遂階王世充僭竊侗

他紅翻

時所在盜起齊郡王薄孟讓北海郭方預清河

張金稱平原郝孝德河間格謙勃海孫宣雅各聚衆攻

剽

帝改青州為北海郡瀛州為河間郡滄州為勃海郡

班稱尺證翻郝呼各翻

格古百翻剽匹妙翻 多者十餘萬少者數萬人

少詩

山東苦之天下承平日久人不習戰郡縣吏每與賊戰

望風沮敗

沮在呂翻

唯齊郡丞閔鄉張須陀

隋志閔鄉縣屬河南郡本湖城

開皇十六年

得士衆心勇決善戰將郡兵擊王薄於泰

山下

隋志泰山在魯郡博城縣須陀蓋越郡境而戰將即亮翻

薄恃其驟勝不設備

須陀掩擊大破之薄收餘兵北度河須陀追擊於臨邑

又破之

隋志臨邑縣屬齊郡

薄北連孫宣雅郝孝德等十餘萬攻

章丘

隋志章丘縣舊曰高唐開皇十六年改焉亦屬齊郡

須陀帥步騎二萬擊之

賊衆大敗賊帥裴長才等衆二萬掩至城下大掠須陀

未暇集兵帥五騎與戰

帥讀曰率賊帥所類翻騎奇寄翻

賊競赴之圍

百餘重身中數創

重直龍翻中竹仲翻創初良翻

勇氣彌厲會城中兵

至賊稍却須陀督衆擊之長才等敗走庚子郭方預等

合軍攻陷北海大掠而去須陀謂官屬曰賊恃其彊謂

我不能救吾今速行破之必矣乃簡精兵倍道進擊大

破之斬數萬級前後獲賊輜重不可勝計

重直用翻勝音升

歷

城羅士信

歷城縣舊置濟南郡隋為齊郡治所

年十四從須陀擊賊於濰

水上

隋志濰水在北海郡下密縣濰音維

賊始布陳士信馳至陳前刺殺

數人

陳讀曰陣下同刺七亦翻

斬一人首擲空中以稍盛之揭以略

陳賊徒愕眙莫敢近

稍色角翻盛受也時征翻揭其謁翻擔揭也眙丑吏翻近其斬翻

須陀因引兵奮擊賊衆大潰士信逐北每殺一人剽其

鼻懷之

剽魚器翻

還以驗殺賊之數須陀歎賞引置左右每

戰須陀先登士信為副帝遣使慰諭并畫須陀士信戰

陳之狀而觀之

使疏吏翻
畫與畫通

夏四月庚午車駕度遼壬

申遣宇文述與上大將軍楊義臣趣平壤

趣七
喻翻

左光

祿大夫王仁恭出扶餘道仁恭進軍至新城

新城在南
蘇城之西

高麗兵數萬拒戰仁恭帥勁騎一千擊破之高麗嬰城

固守帝命諸將攻遼東聽以便宜從事

麗力知翻帥讀
日率騎奇寄翻

將即
亮翻

飛樓橦雲梯地道四面俱進

橦宅
江翻

晝夜不息而高

麗應變拒之二十餘日不拔主客死者甚衆

守者為主
攻者為客

衝梯竿長十五丈驍果吳興沈光升其端

隋志吳郡烏
程縣舊置吳

興郡史以舊郡名書長臨城與高麗戰短兵接殺十數
直亮翻驍堅堯翻下同

人高麗競擊之而墜未及地適遇竿有垂絙絙古恒翻索也光

接而復上復扶又翻帝望見壯之即拜朝散大夫朝直遙翻

散悉但翻恒置左右恒戶登翻禮部尚書楊玄感驍勇便騎射

好讀書喜賓客騎奇寄翻好呼到海內知名之士多與

之遊與蒲山公李密善密弼之曾孫也李密襲爵蒲山郡公蒲山郡關

李弼字文氏佐命功臣少有才略志氣雄遠輕財好士為左親侍

隋制左右翊衛府領親勳武三侍左親侍屬左翊衛少詩照翻帝見之謂宇文述曰向

者左仗下黑色小兒瞻視異常勿令宿衛述乃諷密使

稱病自免密遂屏人事

屏必
郢翻

專務讀書嘗乘黃牛讀漢

書楊素遇而異之因召至家與語大悅謂其子玄感等

曰李密識度如此汝等不及也由是玄感與為深交時

或侮之密曰人言當指實寧可面諛若決機兩陳之間

暗鳴咄嗟使敵人震懾

陳讀曰陣暗於今翻
咄當沒翻懾之步翻

密不如公

驅策天下賢俊各申其用公不如密豈可以階級稍崇

而輕天下士大夫邪玄感笑而服之

李密事
始此

素恃功驕

倨朝宴之際或失臣禮

朝直遙翻下同

帝心銜而不言素亦覺

之及素薨帝謂近臣曰使素不死終當族滅玄感頗知

之且自以累世貴顯在朝文武多父之故吏見朝政日

紊

紊音問

而帝多猜忌內不自安乃與諸弟潛謀作亂帝

方事征伐玄感自言世荷國恩願為將領帝喜曰將門

必有將相門必有相固不虛也

荷下可翻將即亮翻相悉亮翻

由是寵

遇日隆頗預朝政帝伐高麗命玄感於黎陽督運遂與

虎賁郎將王仲伯汲郡贊治趙懷義等謀

按隋志帝改州為郡郡置

太守罷長史司馬置贊務一人以貳之贊務即贊治也隋書成於唐臣避高宗名故改治為務治直吏翻

逗遛漕運不時進發逗音豆遛音留欲令度遼諸軍乏食帝遣

使者促之令力丁翻玄感揚言水路多盜不可前後而

發玄感弟虎賁郎將玄縱鷹揚郎將萬石並從幸遼東

玄感潛遣人召之二人皆亡還萬石至高陽高陽縣屬河間郡

為監事許華所執按唐六典武庫署太倉署皆有監事蓋因隋制也監工衡翻斬於

涿郡時右驍衛大將軍來護兒以舟師自東萊將入海

趣平壤玄感遣家奴偽為使者從東方來詐稱護兒反

驍堅

六月乙巳玄感入黎陽閉城大索男夫

索山客翻

取帆

布為牢甲

帆施於船上以汎風時軍興織蒲不給擬布為之牢兜牢也

署官屬皆準

開皇之舊

不用帝所改官制

移書徭郡以討護兒為名各令發

兵會於倉所

倉謂黎陽倉

郡縣官有幹用者玄感皆以運糧

追集之以趙懷義為衛州刺史東光尉元務本為黎州

刺史河內郡主簿唐禕為懷州刺史

復開皇之制以郡為州以太守為刺

史隋志州郡皆置主簿東光縣屬平原郡宋白曰今定遠軍治東光縣漢舊縣也故城在今縣東二十里齊天保七年移於今縣東南三十里陶氏故城隋開皇三年又移於後魏廢勃海郡城縣置令丞尉正禕許韋翻

考異曰雜記作懷州司功書佐今從隋書

治書侍御史游元

隋御史臺置治書侍御史二員

帝增為正五品治直之翻

督運在黎陽玄感謂曰獨夫肆虐陷身絕

域此天亡之時也我今親帥義兵以誅無道卿意如何

元正色曰尊公荷國寵靈近古無比公之弟兄青紫交

映當謂竭誠盡節上荅鴻恩豈意墳土未乾

帥讀曰率荷下可翻

乾音干

親圖反噬僕有死而已不敢聞命玄感怒而囚之

屢脅以兵不能屈乃殺之元明根之孫也

游明根元魏太和中以儒

名玄感選運夫少壯者得五千餘人

少詩照翻

丹陽宣城篙

梢三千餘人

帝改蔣州為丹陽郡改宣州為宣城郡
篙梢習於用舟者篙音高進船竿也

刑

三牲誓衆且諭之曰主上無道不以百姓為念天下騷

擾死遼東者以萬計今與君等起兵以救兆民之弊何

如衆皆踴躍稱萬歲乃勒兵部分

分扶問翻

唐祿自玄感所

逃歸河內先是玄感陰遣家僮至長安

先悉薦翻

召李密及

弟玄挺赴黎陽及舉兵密適至玄感大喜以為謀主謂

密曰子常以濟物為己任今其時矣計將安出密曰天

子出征遠在遼外去幽州猶隔千里南有巨海北有强

胡中間一道理極艱危公擁兵出其不意長驅入薊據

臨渝之險

臨渝關隋屬平州盧龍縣即所謂盧龍之險也顏師古曰渝音喻今多讀如榆

扼其

咽喉

咽於賢翻

歸路既絕高麗聞之必躡其後不過旬月資

糧皆盡其衆不降則潰可不戰而擒此上計也

麗力知翻降戶

江玄感曰更言其次密曰關中四塞天府之國雖有衛

文昇不足為意今帥衆鼓行而西

帥讀曰率下同

經城勿攻直

取長安收其豪傑撫其士民據險而守之天子雖還失

其根本可徐圖也玄感曰更言其次密曰簡精銳晝夜

倍道襲取東都以號令四方但恐唐禕告之先已固守

禕許
韋翻

若引兵攻之百日不克天下之兵四面而至非僕

所知也玄感曰不然今百官家口並在東都若先取之

足以動其心且經城不拔何以示威

其後玄感攻弘農
自速敗亡其識度

已見
於此

公之下計乃上策也遂引兵向洛陽遣楊玄挺將

驍勇千人為前鋒

將即亮翻下
同驍堅堯翻

先取河內唐禕據城拒

守玄挺無所獲禕又使人告東都越王侗與樊子蓋等

勒兵為備

果如李密所
料侗他紅翻

修武民相帥守臨清關

修武郡
屬河內

郡
玄感不得度乃於汲郡南度河從之者如市使弟積

善將兵三千自偃師南緣洛水西入

隋志偃師縣舊廢開皇十六年復置

屬河南郡

玄挺自白司馬坂逾邛山南入

白司馬坂在邛山北邛山在洛城北

坂音反

玄感將三千餘人隨其後相去十里許自稱大軍

其兵皆執單刀柳楯

楯食尹翻干也以扞弓矢

無弓矢甲冑東都遣

河南令達奚善意

隋志河南縣帶河南郡

將精兵五千人拒積善

將作監河南贊治裴弘策將八千人拒玄挺

治直吏翻

善意

度洛南營於漢王寺明日積善兵至不戰自潰鎧仗皆

為積善所取弘策出至白司馬坂一戰敗走棄鎧仗者

太半

鎧可亥翻

玄挺亦不追弘策退三四里收散兵復結陳

以待之

復扶又翻陳讀曰陣

玄挺徐至坐息良久忽起擊之弘策

又敗如是五戰丙辰玄挺直抵太陽門弘策將十餘騎

馳入宮城自餘無一人返者皆歸於玄感玄感屯上春

門隋志河南郡舊置洛州大業元年移都改曰豫州東面三門北曰上春中曰建陽無太陽門當考將即亮

翻考異曰玄感傳云屯兵上春門又云屯兵尚書省

按劉仁軌河洛記東都羅郭東面北頭第一曰上春門

唐改曰上東門又尚書省在

宣仁門內玄感不容至此

每誓衆曰我身為上柱國

家累鉅萬金至於富貴無所求也今不顧滅族者但為

天下解倒懸之急耳

偽為于翻

衆皆悅父老爭獻牛酒子弟

詣軍門請自効者日以千數內史舍人韋福嗣洸之兄

子也

韋洸著聲績於平陳之後洸古黃翻

從軍出拒玄感為玄感所獲玄

感厚禮之使與其黨胡師耽共掌文翰玄感令福嗣為

書遺樊子蓋數帝罪惡

遺于季翻數所具翻

云今欲廢昏立明願

勿拘小禮自貽伊戚樊子蓋新自外藩入為京官

樊子蓋自

涿郡留守為東都留守

東都舊官多慢之至於部分軍事未甚承

稟

分扶
問翻

裴弘策與子蓋同班

贊治次留守立
班故言同班

前出討賊

失利子蓋更使出戰不肯行子蓋命引出斬之以徇國

子祭酒河東楊汪小有不恭

楊汪傳本弘農華陰
人曾祖順徙河東

子蓋

又將斬之汪頓首流血乃得免於是將吏震肅無敢仰

視

是將子
亮翻

令行禁止玄感盡銳攻城子蓋隨方拒守玄

感不能克然達官子弟應募從軍者聞弘策死皆不敢

入城韓擒虎子世弼

弼五
各翻

觀王雄子恭道虞世基子柔

來護兒子淵裴蘊子爽大理卿鄭善果子儼周羅睺子

仲等四十餘人皆降於玄感

降戶江
翻下同

玄感悉以親重要

任委之善果譯之兄子也

鄭譯高
祖佐命

玄感收兵得五萬餘

人分五千守慈磧道

隋志河南郡壽
安縣有慈磧

五千守伊闕道

隋志

河南郡伊闕縣舊曰新城開皇
十八年改名以伊闕山名縣也

遣韓世弼將三千人圍

滎陽

隋志滎陽縣屬滎陽郡
郡治管城滎陽在郡西

顧覺將五千人取虎牢

隋志

滎陽郡汜水縣舊曰成臯即虎牢也開皇
十八年改曰汜水大業初置虎牢都尉府

虎牢降

降戶
江翻

以覺為鄭州刺史鎮虎牢代王侑使刑部尚書衛文昇

帥兵四萬救東都

代王侑時守長安帥讀曰率
曰隋書云步騎七萬按玄感衆不過

考異

十萬而下云衆寡不敵今從雜記

文昇至華陰掘楊素冢

隋志華陰縣屬京兆郡楊

素世居華陰死葬焉華戶化翻

焚其骸骨示士卒以必死遂鼓行出嶠

澠直趨東都城北

嶠澠谷澠澠池澠澠充翻趨七喻翻

玄感逆拒之文昇

且戰且行屯於金谷

金谷即晉石崇之金谷也水經注穀水自千金竭東逕畢門橋又東

左會金谷水水出太白原東南流歷金谷謂之金谷澗在河南縣界

遼東城久不拔帝遣

造布囊百餘萬口滿貯土

貯丁呂翻

欲積為魚梁大道

築道若魚

梁然闊三十步高與城齊使戰士登而攻之又作八輪樓

車

樓車下施八輪

高出於城夾魚梁道欲俯射城內

射而亦翻

指期

將攻城內危蹙會楊玄感反書至帝大懼引納言蘇威
入帳中謂曰此兒聰明得無為患威曰人識是非審成
敗乃謂之聰明

扶夫音

玄感麤疎必無所慮但恐因此寢

成亂階耳帝又聞達官子弟皆在玄感所益憂之兵部

侍郎斛斯政素與玄感善玄感之反政與之通謀玄縱

兄弟亡歸政潛遣之帝將窮治玄縱等黨與

治直之翻

政內

不自安戊辰亡奔高麗

史言段文振之言驗麗力知翻

庚午夜二更

二更

乙夜也甲乙丙丁戊分為五夜守卒分番
守漏鳴鼓以相警謂之持更更工衡翻

帝密召諸將

使引軍還

還從宣翻
又音如字

軍資器械攻具積如丘山營壘帳

幕案堵不動皆棄之而去衆心恐懼

怵許
拱翻

無復部分諸

道分散

復扶又翻
部分扶問翻

高麗即時覺之然不敢出但於城

內鼓譟至來日午時方漸出外四遠覘偵

覘丑廉翻又
丑整翻偵丑

鄭翻猶疑隋軍詐之經二日乃出數千兵追躡畏隋兵之

衆不敢逼常相去八九十里將至遼水知御營畢度乃

敢逼後軍時後軍猶數萬人高麗隨而抄擊最後羸弱

數千人為所殺略

麗力知翻抄楚
交翻羸倫為翻

初帝再征高麗復問

太史令庾質曰今段何如

今段言自今以後一段事也復扶又翻

對曰臣

實愚迷猶執前見

庾質前對見上卷八年

陛下若親動萬乘勞費

實多

來繩證翻

帝怒曰我自行猶不克直遣人去安得有功

及還謂質曰卿前不欲我行當為此耳

還從宣翻又音如字為于偽翻

玄感其有成乎質曰玄感地勢雖隆素非人望因百姓

之勞翼幸成功今天下一家未易可動

易以鼓翻

帝遣虎賁

郎將陳稜攻元務本於黎陽又遣左翊衛大將軍宇文

述右候衛將軍屈突通乘傳發兵以討玄感

屈區勿翻傳株戀翻

來護兒至東萊聞玄感圍東都召諸將議旋軍救之諸將咸以無救不宜擅還固執不從護兒厲聲曰洛陽被圍心腹之疾高麗逆命猶疥癬耳

將即亮翻被皮義翻疥癬皮膚之疾

公

家之事知無不為專擅在吾不關諸人有沮議者軍法

從事

沮在呂翻

即日廻軍令子弘整馳驛奏聞帝時還至涿

郡已敕護兒救東都見弘整甚悅

按隋書來護兒傳弘整護兒之二子

賜

護兒璽書曰公旋師之時是朕敕公之日君臣意合遠同符契先是右武侯大將軍李子雄坐事除名令從軍

自効從來護兒在東萊帝疑之

按隋書子雄傳因玄感反而疑之璽斯氏翻先

悉薦翻

詔鎖子雄送行在所子雄殺使者逃奔玄感

使疏吏翻

衛文昇以步騎二萬度瀍水

水經瀍水出河南穀城縣北山東過洛陽偃師而入

于洛騎奇寄翻瀍音瀍

與玄感戰玄感屢破之玄感每戰身先士

卒

先悉薦翻

所向摧陷又善撫悅其下皆樂為致死

樂音洛為于偽

翻

由是每戰多捷衆益盛至十萬人文昇衆寡不敵死

傷大半且盡

考異曰雜記曰每戰刃纔接官軍皆坐地棄甲以白布裹頭聽賊所掠前後十三

戰皆不利今從文昇傳

乃更進屯邙山之陽與玄感決戰一日十

餘合會楊玄挺中流矢死

仲竹翻

玄感軍乃稍却秋七月

癸未餘杭民劉元進起兵以應玄感元進手長尺餘

長手

尺餘言自指至掌腕橫紋之長長直亮翻

臂垂過膝

言臂垂則其手過膝過古禾翻

自以相

表非常

相息亮翻

陰有異志會帝再發三吳兵征高麗三吳

兵皆相謂曰往歲天下全盛吾輩父兄征高麗者猶大

半不返

此指八年事

今已罷弊復為此行

罷讀曰疲復扶又翻

吾屬無

遺類矣由是多亡命郡縣捕之急聞元進舉兵亡命者

雲集旬月間衆至數萬始楊玄感至東都自謂天下響

應得韋福嗣委以心膂不復專任李密

復扶又翻

福嗣每畫

策皆持兩端密揣知其意

揣初委翻

謂玄感曰福嗣元非同

盟實懷觀望明公初起大事而姦人在側聽其是非必

為所誤請斬之玄感曰何至於此密退謂所親曰楚公

好反而不欲勝

玄感襲爵楚國公故稱之好呼到翻

吾屬今為虜矣李子

雄勸玄感速稱尊號玄感以問密密曰昔陳勝自欲稱

王張耳諫而被外

事見七卷秦二世元年被皮義翻

魏武將求九錫荀

彧止而見誅

事見六十六卷漢獻帝建安十七年

今者密欲正言還恐追

蹤二子阿諛順意又非密之本圖何者兵起以來雖復

頻捷

復扶又翻
下蓋復同

至於郡縣未有從者東都守禦尚彊天

下救兵益至公當挺身力戰早定關中廼亟欲自尊何

示人不廣也

亟已
力翻

玄感笑而止屈突通引兵屯河陽宇

文述繼之玄感問計於李子雄子雄曰通曉習兵事若

一得度河則勝負難決不如分兵拒之通不能濟則樊

衛失援

樊衛謂樊子
蓋衛文昇也

玄感然之將拒通樊子蓋知其謀

數擊其營玄感不得往

斯亦伐謀之一也使援兵不合
樊子蓋堅守都城兵何由解數

所角翻下
軍數同

通濟河軍於破陵

破陵當在河陽南岸洛城東北

玄感分為

兩軍西抗文昇東拒通子蓋復出兵大戰玄感軍屢敗
與其黨謀之李子雄曰東都援軍益至我軍數敗不可

久留不如直入關中開永豐倉以振貧乏

新唐志華陰縣有永豐倉

蓋隋所置也

三輔可指麾而定

此指言漢三輔之地

據有府庫東面而

爭天下亦霸王之業也李密曰弘化留守元弘嗣握彊

兵在隴右

帝改慶州為弘化郡其地屬隴右

可聲言其反遣使迎公因

此入關可以結衆

使疏吏翻結徒亥翻

會華陰諸楊請為鄉導

華陰

諸楊玄感之宗黨也
華戶化翻鄉讀曰嚮

壬辰玄感解東都圍引兵西趣潼

關
潼關在華陰縣趣七喻翻

宣言我已破東都取關西矣宇文述等

諸軍躡之至弘農宮

隋志河南郡陝縣後魏置陝州恒農郡開皇初廢郡大業初廢州置

弘農宮恒農即弘農
後魏避諱改曰恒農

父老遮說玄感曰宮城空虛又多

積粟攻之易下

說式芮翻易以鼓翻

玄感以為然弘農太守蔡王

智積

觀此則帝廢陝州改為弘農郡也智積高祖弟整之子守式又翻

謂官屬曰玄感

聞大軍將至欲西圖關中若成其計則難克也當以計

縻之使不得進不出一旬可以成擒及玄感軍至城下

智積登陴詈之

陴符支翻城上女垣詈力智翻罵也

玄感怒留攻之李密

諫曰公今詐衆西入軍事貴速况乃追兵將至安可稽

留若前不得據關

謂據潼關也

退無所守大衆一散何以自

全玄感不從遂攻之燒其城門智積於內益火玄感兵

不得入三日不拔乃引而西至閿鄉

閿音昃

宇文述衛文

昇來護兒屈突通等軍追及於皇天原

水經注玉澗水南出玉溪北流

逕皇天原西周固記開山東首上平博方可里餘三面壁立高千許仞漢世祭天於其上名之為皇天原上有漢武思子臺又北逕閿鄉城西又有全鳩澗水出南山北逕皇天原東隋志閿鄉縣有玉澗全鳩澗玄感

上槃豆

即西魏將于謹所攻拔槃豆也上時掌翻

布陳亘五十里

陳讀曰陣下同亘古

鄧翻且戰且行玄感一日三敗八月壬寅玄感陳於董杜

原諸軍擊之玄感大敗獨與十餘騎奔上洛

帝改商州為上洛郡

玄感欲由華陽以奔上

洛也騎奇寄翻下同

追騎至玄感叱之皆反走至葭

蘆戎

葭音加

獨與弟積善徒步走自度不免

度徒洛翻

謂積善

曰我不能受人戮辱汝可殺我積善抽刀斫殺之因自

刺不死

刺七亦翻

為追兵所執與玄感首俱送行在所磔玄

感尸於東都市三日復斃而焚之

磔陟格翻復扶又翻斃力充翻

玄感

弟玄獎為義陽太守

隋志義陽郡齊梁之司州後魏改曰郢州後周改曰申州大業初改

義州尋改為義陽郡守式又翻

將赴玄感為郡丞周旋王所殺

隋書楊玄感傳

作周璇玉

仁行為朝請大夫伏誅於長安

楊素之門於是滅矣朝直遙翻

玄

感之圍東都也梁郡民韓相國舉兵應之

帝改宋州為梁郡相息亮

翻玄感以為河南道元帥

帥所類翻

旬月間衆十餘萬攻剽

郡縣至襄城

隋志襄城郡東魏置北荊州後周改曰和州開皇初改為伊州大業初改為汝州尋

改為郡剽匹妙翻

聞玄感敗衆稍散為吏所獲傳首東都帝以

元弘嗣斛斯政之親也留守弘化郡

隋書元弘嗣傳云屯兵安定

遣

衛尉少卿李淵馳往執之

少始照翻

因代為留守關右十三

郡兵皆受徵發

十三郡天水隴西金城枹罕臨洮漢陽靈武朔方平涼弘化延安雕陰上郡也

淵御衆寬簡人多附之帝以淵相表奇異

相息亮翻

又名應

圖讖忌之

讖楚諧翻

未幾徵詣行在所淵遇疾未謁

謁見也幾居豈

翻

其甥王氏在後宮帝問曰汝舅來何遲王氏以疾對

帝曰可得死否淵聞之懼因縱酒納賂以自晦

李淵事始此

癸卯吳郡朱燮晉陵管崇聚衆寇掠江左

隋志吳郡陳置吳州

平陳改曰蘇州大業初復曰吳州尋改為吳郡毗陵郡平陳置常州帝改為晉陵郡

燮本還俗道

人涉獵經史頗知兵濫形容眇小為崑山縣博士

劉昫曰崑

山本漢婁縣地梁分婁縣置信義縣又分信義置崑山縣取縣界山名時屬吳郡隋制縣博士不見于志蓋在

曹佐市與數十學生起兵民苦役者赴之如歸崇長大

美姿容志氣倜儻

倜他狄翻

隱居常熟

常熟吳晉南沙之地本屬吳縣晉分吳縣

置海虞縣梁置常熟縣劉昫曰今崑山縣東一百三十里常熟故城是也隋治南沙城屬吳郡

自言有

王者相

相息亮翻

故羣盜相與奉之時帝在涿郡命虎牙郎

將趙六兒將兵萬人屯楊子

楊子地名時屬江都縣將即亮翻下同

分為

五營以備南賊

南賊謂劉元進及崇熒等

崇遣其將陸顓度江夜襲

六兒破其兩營收其器械軍資而去

顓魚豈翻

衆益盛至十

萬辛酉司農卿雲陽趙元淑坐楊玄感黨伏誅

隋書楊玄

感傳作博陵趙元淑此言雲陽隋志博陵郡舊定州雲陽縣屬京兆郡地理相去遠甚當考

帝使大

理卿鄭善果御史大夫裴蘊刑部侍郎骨儀與留守樊

子蓋推玄感黨與

帝置六部侍郎以貳尚書之職守式又翻推尋也考鞠也考異曰雜記

作滑稽今從隋書雜記推玄感黨在十月疑太晚今因誅趙元淑言之

儀本天竺胡人也

隋書陰壽傳言骨儀京兆長安人蓋本天竺胡人而居京兆長安也

帝謂蘊曰玄感一呼

而從者十萬

呼火故翻

益知天下人不欲多即相聚為盜

耳不盡加誅無以懲後子蓋性既殘酷蘊復受此旨

扶復

又由是峻灋治之治直所殺三萬餘人皆籍沒其家枉

翻

死者太半流徙者六千餘人立感之圍東都也開倉賑

給百姓凡受米者皆阮之於都城之南立感所善文士

會稽虞綽琅邪王胄

隋志會稽郡梁置東揚州平陳改曰吳州大業初改越州尋復改為

會稽郡琅邪郡舊置北徐州後周改曰沂州帝復改為琅邪郡會古外翻琅邪讀曰耶俱坐徙邊綽

胄亡命捕得誅之帝善屬文

屬之欲翻

不欲人出其右薛道

衡死

道衡死見上卷五年

帝曰更能作空梁落燕泥否王胄死帝

誦其佳句曰庭草無人隨意綠復能作此語邪

復扶又翻

帝

自負才學每驕天下之士嘗謂侍臣曰天下皆謂朕承

藉緒餘而有四海設令朕與士大夫高選亦當為天子

矣

令力丁翻

帝從容謂祕書郎虞世南曰我性不喜人諫

從干

容翻喜許記翻

若位望通顯而諫以求名彌所不耐至於卑賤

之士雖少寬假然不置之地上

少詩治翻卒子恤翻

汝其知之世

南世基之弟也帝使裴矩安集隴右因之會寧存問

曷薩那可汗部落

八年帝處曷薩那可汗部落于會寧今遣矩存問之薩桑葛翻可從列入聲汗

寒音

遣闕度設寇掠吐谷渾以自富還而奏狀帝大賞

之

吐從暇入聲谷音浴還音旋又如字賞稱獎也

九月己卯東海民彭孝才

起為盜

帝改海州為東海郡

有衆數萬

甲午車駕至上谷

隋志開皇

元年以易縣置易州帝改為上谷郡按秦置上谷郡本治沮易王隱晉書地道志曰郡在谷之頭故因以上谷名焉隋之易縣則漢涿郡故安縣地也非古上谷

以供費不給免太守虞荷等

官

守武又翻

閏月己巳幸博陵

冬十月丁丑賊帥呂明星

圍東郡

東郡古白馬之地隋開皇九年置杞州十六年改滑州大業二年改為兗州尋改為東郡帥所

類翻

虎賁郎將費青奴擊破之

賁音奔將即亮翻陳湘姓林曰費氏音蜚夏禹之後

趙明誠曰費字有兩姓音讀不同源流亦異其一音蜚
嬴姓出於伯益之後史記所載費昌費中楚費無極漢
費將軍費直費長房費禕之徒是其後也其一音
祕出於魯季友姓苑所載琅邪費氏則是其後也

劉

元進帥其衆將度江

帥讀曰率

會楊玄感敗朱燮管崇共迎

元進推以為主據吳郡稱天子燮崇俱為尚書僕射署

置百官毗陵東陽會稽建安豪傑多執長吏以應之

帝改

婺州為東陽郡大業初改泉州為閩州
尋改為建安郡長知兩翻會工外翻

帝遣左屯衛大

將軍代人吐萬緒

隋書吐萬緒代郡鮮卑人吐萬蓋鮮卑複姓也隋志大業初於馬邑善陽

縣置代郡光祿大夫下邳魚俱羅

隋志下邳縣屬馮翊郡風俗通魚姓宋公子魚之後

將兵討之

將即亮翻
又音如字

十一月己酉右候衛將軍馮孝

慈討張金稱於清河孝慈敗死

稱尺證翻帝改
貝州為清河郡

楊玄

感之西也韋福嗣亡詣東都歸首

嗣祥吏翻
首手又翻

是時如其

比者皆不問樊子蓋收玄感文簿得其書草

即福嗣所
草遺子蓋

之封以呈帝帝命執送行在李密亡命為人所獲亦送

東都

考異曰隋書密傳云密間行入關與玄感從叔
詢相隨匿於馮翊詢妻之舍尋為隣人所告遂捕

獲囚於京兆獄又云及出關外防禁漸弛又云至邯鄲
密等七人皆穿牆而遁唐書雖不云囚於京兆獄亦云

出關按密若自關中送高陽不當與韋福嗣同行
今從賈閏甫蒲山公傳及劉仁軌河洛行年記

樊子

蓋鎖送福嗣密及楊積善王仲伯等十餘人詣高陽密

與王仲伯等竊謀亡去悉使出其所齎金以示使者曰

吾等死日此金並留付公幸用相瘞

使疏吏翻下同瘞於計翻

其餘

即皆報德使者利其金許諾防禁漸弛密請通市酒食

每宴飲誼譁竟夕使者不以為意行至魏郡石梁驛飲

防守者皆醉穿牆而逸

帝改相州為魏郡飲防之飲於禁翻考異曰河洛記曰左梁

驛今從蒲山公傳

密呼韋福嗣同去福嗣曰我無罪天子不過

一面責我耳至高陽帝以書草示福嗣收付大理宇文

述奏凶逆之徒臣下所當同疾若不為重瀆無以肅將

來帝曰聽公所為十二月甲申述就野外縛諸應刑者

於格上以車輪括其頸使文武九品以上皆持兵斫射

射而亦翻亂發矢如蝟毛支體糜碎猶在車輪中積善福嗣

仍加車裂皆焚而揚之積善自言手殺玄感冀得免死

帝曰然則梟類耳因更其姓曰梟氏梟食母說文曰不孝鳥更工衡翻梟

古堯翻唐縣人宋子賢善幻術隋志唐縣屬博陵郡幻術者化無為有以眩惑

人幻戶辨翻能變佛形自稱彌勒出世遠近信惑遂謀因無

遮大會舉兵襲乘輿

天子曰乘輿乘繩證翻

事泄伏誅并誅黨與

千餘家扶風桑門向海明亦自稱彌勒出世人有歸心

者輒獲吉夢由是三輔人翕然奉之

帝改岐州為扶風郡扶風漢三輔之

也一因舉兵反衆至數萬丁亥海明自稱皇帝改元白鳥

詔太僕卿楊義臣擊破之帝名衛文昇樊子蓋詣行

在慰勞之賞賜極厚遣還所任

賞其拒討楊玄感之功遣各還留臺勞力到翻

劉元進攻丹陽

隋書吐萬緒傳云時元進以兵攻潤州按唐志武德三年始以元陵縣地

置潤州而潤州管下丹陽縣本曲阿亦唐改名元進所攻蓋此丹陽非隋志之丹陽郡隋之丹陽郡治石頭城

隋書成於武德之後書潤州吐萬緒濟江擊破之元進書丹陽皆以唐州縣書之也

解圍去緒進屯曲阿

觀此及以隋書證之則元進所攻正潤州

元進結柵拒

緒相持百餘日緒擊之賊衆大潰死者以萬數元進挺

身夜遁保其壘朱燮管崇等屯毗陵連營百餘里緒乘

勝進擊復破之賊退保黃山

隋志吳縣有黃山

緒圍之元進燬

僅以身免於陳斬崇及其將卒五千餘人

陳讀曰陣將即亮翻

收

其子女三萬餘口進解會稽圍

會古外翻

魚俱羅與緒偕行

戰無不捷然百姓從亂者如歸市賊敗而復聚

復扶又翻下同

其勢益盛元進退據建安帝令緒進討緒以士卒疲弊

請息甲待來春

考異曰帝紀云緒與俱羅連年不能克按緒請待來春而王世充十年又擊

孟讓然則元進敗正在今年冬春之交矣元進退據建安而得拒世充於江上者蓋復來也

帝不悅

俱羅亦以賊非歲月可平諸子在洛京

洛陽為東都故謂之洛京潛

遣家僕迎之帝怒有司希旨奏緒怯懦俱羅敗

懦乃

又奴亂翻
匈奴女六翻

俱羅坐斬徵緒詣行在緒憂憤道卒

卒子

帝

更遣江都丞王世充

王世充為江都郡丞帝又改郡贊治為丞更工衡翻

發淮南

兵數萬人討元進世充度江頻戰皆捷元進變敗死於

吳

隋志吳縣
吳郡治所

其餘衆或降或散世充召先降者於通玄

寺瑞像前焚香為誓約降者不殺

降戶
江翻

散者始欲入海

為盜聞之旬月之間歸首略盡

首手
又翻

世充悉阮之於黃

亭澗死者三萬餘人

考異曰略記阮其衆二十餘萬
於黃亭澗澗長數里深澗數大積

屍與之平雜記世充貪而無信利在子女資財
並阮歸首八千餘人於黃山之下今從隋書

由是餘

黨復相聚為盜官軍不能討以至隋亡帝以世充有將

帥才益加寵任

將即亮翻
帥所類翻

是歲詔為盜者籍沒其家

時羣盜所在皆滿郡縣官因之各專威福生殺任情矣

章丘杜伏威與臨濟輔公祐為刎頸交

章丘臨濟二縣隋志皆屬

齊郡章丘漢陽丘縣宋魏之高唐也開皇十六年改為章丘宋白曰高齊天保七年移高唐縣治古黃巾城隋改章丘縣因縣東南章丘為名臨濟漢之管縣久廢開皇六年置朝陽縣十六年改曰臨濟輔姓出於晉大夫輔騾又智果別族為輔氏顏師古曰刎斷也刎頸交言託契深重雖斷頸絕頭無所顧也濟子禮翻祐音石刎武粉俱亡命為羣盜唐書杜伏威傳公祐數盜姑家牧羊以餽伏威縣迹捕急乃相與亡

命為盜

伏威年十六每出則居前入則殿後

練翻

由是其

徒推以為帥下邳苗海潮亦聚眾為盜

隋志下邳郡後魏置南徐州梁

改為東徐州東魏改為東楚州陳改為安州後周改為泗州帝改為下邳郡風俗通曰楚大夫伯棼之後賁皇

奔晉食采於苗因為苗氏伏威使公祐謂之曰今我與君同苦隋政

各舉大義力分勢弱常恐被擒

被皮義翻

若合為一則足以

敵隋矣君能為主吾當敬從自揆不堪宜來聽命不則

一戰以決雌雄

不讀曰否

海潮懼即帥其衆降之

帥讀曰率降戶江翻

伏威轉掠淮南自稱將軍江都留守遣校尉宋顥討之

帝置鷹揚府郎將副郎將每府置越騎校尉二人掌騎士步兵校尉二人掌步兵守式又翻校戶教翻

伏

威與戰陽為不勝引顥衆入葭葦中因從上風縱火顥

衆皆燒死海陵賊帥趙破陳以伏威兵少輕之

海陵漢縣屬臨

淮郡梁置海陵郡開皇初廢郡為縣隋志
屬江都郡帥所類翻陳讀曰陣少詩治翻
名與并力伏

威使公拓嚴兵居外自與左右十人齎牛酒入謁於座

殺破陳并其衆

史言杜伏威寢強

十年春

考異曰雜記是年正月又以許公宇文述為元帥將兵十六萬刻到鴨綠水乙亥文德遣行

人為請降以緩我師又求與述相見以觀我軍形勢述與之歡飲良久乃去停五日王師食盡燒甲札食之病不能興文德乃縱兵大戰敗績死者十餘萬此蓋序八年事誤在此耳

二月辛未詔百僚

議伐高麗數日無敢言者戊子詔復徵天下兵

復扶又翻

百

道俱進

丁酉扶風賊帥唐弼立李弘芝為天子

帥所類翻

考異曰隋帝紀作李弘今從唐書薛舉傳

有衆十萬自稱唐王 三月壬

子帝行幸涿郡士卒在道亡者相繼癸亥至臨渝宮

隋志

北平郡盧龍縣有臨渝宮渝音諭又音榆

禡祭黃帝

鄭玄曰禡師祭也在野曰禡應劭曰黃帝戰于

阪泉以定天下故祭以求福祥杜佑曰禡師祭也為兵禱也其神蓋蚩尤或云黃帝北齊之制天子親征將屆戰所卜剛日備立牲列軍容設於辰地為壇而禡祭大司馬奠矢有司奠毛血樂奏大濩之音禮畢徹牲柴燎按記王制天子出征禡於所征之地其禮斬叛軍者以亡矣杜佑所載者北齊之禮耳禡馬嫁翻

釁鼓

斬人以血塗鼓

亡者亦不止

夏四月榆林太守成紀董

純

帝改勝州為榆林郡隋志成紀縣屬天水郡守式又翻

與彭城賊帥張大虎戰

於昌慮

帝改徐州為彭城郡昌慮漢縣晉宋魏志皆有之隋已廢省其地當入彭城郡蘭陵縣界帥所

類翻下同

大破之斬首萬餘級

甲午車駕至北平

帝改

平州為

北平郡

五月庚申延安賊帥劉迦論

隋志延安郡後魏置東夏州西

魏改為延州帝改為延安郡迦音加

考異曰

自稱皇

唐書作安定人按安定去上郡太遠今從隋書

王建元大世有衆十萬與稽胡相表裏為寇詔以左驍

衛大將軍屈突通為關內討捕大使發兵擊之戰於上

郡隋志上郡後魏置東秦州後改為北華州西魏改為數州大業二年改為鄜城郡後改為上郡驍堅堯翻

屈居勿翻使疏

吏翻鄜音膚

斬迦論將卒萬餘級

將即亮翻

虜男女數萬

口而還

還從宣翻
又如字

秋七月癸丑車駕次懷遠鎮時天

下已亂所徵兵多失期不至高麗亦困弊來護兒至畢

奢城

即卑沙城自登萊海道趨平壤先至卑沙城唐貞觀末程名振亦由此道麗力知翻

高麗舉

兵逆戰護兒擊破之將趣平壤

趣七喻翻

高麗王元懼甲子

遣使乞降因送斛斯政

斛斯政去年奔高麗使疏吏翻下同降戶江翻

帝大悅

遣使持節召護兒還護兒集衆曰大軍三出未能平賊

此還不可復來

還從宣翻
復扶又翻

勞而無功吾竊耻之今高麗

實困以此衆擊之不日可克吾欲進兵徑圍平壤取高

元獻捷而歸不亦善乎答表請行不肯奉詔長史崔君

肅固爭

長知兩翻

護兒不可曰賊勢破矣獨以相任自足辦

之吾在閩外事當專決寧得高元還而獲譴捨此成功所不能矣君肅告衆曰若從元帥違拒詔書必當聞奏

皆應獲罪諸將懼俱請還乃始奉詔

帥所類翻下賊帥將帥同將即亮翻

同八月己巳帝自懷遠鎮班師邯鄲賊帥楊公卿帥其

黨八千人

隋志邯鄲縣屬武安郡帥讀曰率

抄駕後第八隊得飛黃上

廐馬四十二匹而去

抄楚交翻帝置殿內省統尚食尚藥尚衣尚舍尚乘尚輦等六局尚

乘局置左右六閑一曰左右飛黃閑二左右吉良閑三左右龍媒閑四左右駒駉閑五左右駃騠閑六左右天

苑
閑冬十月丁卯上至東都已丑還西京以高麗使者及

斛斯政告太廟仍徵高麗王元入朝元竟不至

朝直送翻下同

敕將帥嚴裝更圖後舉竟不果行初開皇之末國家殷

盛朝野皆以高麗為意劉炫獨以為不可

炫榮縮翻

作撫夷

論以刺之至是其言始驗十一月丙申殺斛斯政於金

光門外

金光門大興城西面三門之中門

如楊積善之法

去年殺楊積善

仍烹

其肉使百官噉之佞者或噉之至飽

噉與咱同徒濫翻

收其餘

骨焚而揚之

乙巳有事于南郊上不齋于次

鄭氏曰次自脩

正之

詰朝備法駕

漢仍秦制大駕八十一乘法駕三十處六乘隋開皇中大駕十二乘法駕減

半帝更定其制大駕用三十六法駕用十二詰去吉翻

至即行禮是日大風上獨

獻上帝三公分獻五帝禮畢御馬疾驅而歸 乙卯離

石胡劉苗王反

隋志離石郡後齊置西汾州後周改為汾州帝改離石郡

自稱天子

衆至數萬將軍潘長文討之不克

長知兩翻

汲郡賊帥王

德仁擁衆數萬保林慮山為盜

隋志汲郡東魏置義州後周為衛州帝改汲郡

林慮山在魏郡林慮縣帥所類翻下同慮音廬

帝將如東都太史令庾質諫

曰比歲伐遼

比毗至翻

民實勞弊陛下宜鎮撫關內使百姓

盡力農桑三五年間四海稍豐實然後廵省

省悉景翻

於事

為宜帝不悅質辭疾不從

從才用翻

帝怒下質獄

下遐嫁翻

竟死

獄中十二月壬申帝如東都赦天下戊子入東都東

海賊帥彭孝才轉掠沂水

劉昫曰沂水漢東莞縣隋改為東安縣尋改為沂水屬琅

郡彭城留守董純討擒之

守式又翻

純戰雖屢捷而盜賊日

滋或譖純怯懦

懦乃卧翻又乃亂翻

帝怒鎖純詣東都誅之

孟

讓自長白山寇掠諸郡至盱眙衆十餘萬據都梁宮

隋志

盱眙縣屬江都郡有都梁山都梁宮阻淮為固江都丞在焉山出都梁香故名盱眙音吁怡

王世充將兵拒之為五柵以塞險要將即亮翻下同塞悉則翻羸形

示弱羸倫為翻讓笑曰世充文法小吏安能將兵吾今生縛

取鼓行入江都耳時民皆結堡自固野無所掠賊衆漸

餒乃少留兵圍五柵分人於南方抄掠世充伺其懈詩少

治翻抄楚交翻伺縱兵出擊大破之讓以數十騎遁去

相吏翻懈居隘翻騎奇寄斬首萬餘級齊郡賊帥左孝友衆十萬屯蹲

狗山蹲狗者以形得名蹲徂尊翻郡丞張須陀列營逼之孝友窘迫

出降須陀威振東夏

降戶江翻窟巨
隋翻夏戶雅翻

以功遷齊郡通守

帝罷州置郡郡置太守其後諸郡各
加置通守一人位次太守守式又翻

領河南道十二郡

黜陟討捕大使涿郡賊帥盧明月衆十餘萬軍祝阿

隋志

祝阿縣屬齊郡唐改爲禹城縣

考

須陀將萬人邀之

異曰唐秦叔寶傳作下邳今從隋書

將即亮翻下

謂將分將同

相持十餘日糧盡將退謂將士曰賊見吾

退必悉衆來追若以千人襲據其營可有大利此誠危

事誰能往者衆莫對唯羅士信及歷城秦叔寶請行

隋志

歷城縣
帶齊郡

於是須陀委柵而遁使二人分將千兵伏葭葦

中明月悉衆追之士信叔寶馳至其柵柵門閉二人超
升其樓各殺數人營中大亂二人斬關以納外兵因縱
火焚其三十餘柵煙焰漲天明月奔還須陀回軍奮擊
大破之明月以數百騎遁去所俘斬無筭叔寶名瓊以
字行

十一年春正月增祕書省官百二十員

隋制祕書省監丞各一人郎四

人校書郎十二人正字四人著作郎二人佐郎八人校書郎正字各二人帝增少監一人減校書郎為十人加置佐郎四人又置儒林郎十人文林郎二十人增校書郎員四十人加置楷書郎員二十人凡百一十七人

並以學士補之帝好讀書著述自為揚州總管

開皇十年帝為

揚州總管
好呼到翻

置王府學士至百人常令修撰以至為帝前

後近二十載

近其新翻
載作亥翻

修撰未嘗暫停自經術文章兵

農地理醫卜釋道乃至捕博鷹狗

捕音蒲
搏蒲也

皆為新書無

不精洽共成三十一部萬七千餘卷初西京嘉則殿有

書三十七萬卷帝命祕書監柳顧言等詮次除其複重

猥雜

詮此緣翻說文
具也重直龍翻

得正御本三萬七千餘卷納於東

都修文殿又寫五十副本簡為三品分置西京東都宮

省官府其正書皆裝翦華淨寶軸錦標

標方小翻卷端也

於觀

文殿前為書室十四間窻戶牀褥厨幔

幔莫半翻

咸極珍麗

每三間開方戶垂錦幔上有二飛仙戶外地中施機發

帝幸書室有宮人執香爐

香爐始於漢漢官典職曰尚書郎給女史二人著紫衣服

執香爐燒薰

前行踐機則飛仙下收幔而上

踐慈演翻上時掌翻

戶扉

及厨扉皆自啓帝出則垂閉復故帝以戶口逃亡盜

賊繁多二月庚午詔民悉城居田隨近給郡縣驛亭村

塢皆築城上谷賊帥王須拔自稱漫天王

帥所類翻漫莫官翻

國號燕賊帥魏刀兒自稱歷山飛衆各十餘萬北連突

厥南寇燕趙

燕因肩翻

初高祖夢洪水沒都城意惡之

惡鳥

路翻故遷都大興

開皇三年遷新都

申明公李穆薨

穆薨見一百七十六卷陳

長城公至德四年

孫筠襲爵叔父渾忿其各嗇使兄子善衡賊

殺之而證其從父弟瞿曇

從才用翻曇徒含翻

使之償死渾謂其

妻兄左衛率宇文述曰若得紹封當歲奉國賦之半述

為之言於太子

率所律翻為于偽翻

奏高祖以渾為穆嗣二歲之

後不復以國賦與述

復扶又翻

述大恨之帝即位渾累官至

右驍衛大將軍改封郕公

驍堅堯翻

帝以其門族彊盛忌之

會有方士安伽陀

伽求加翻

言李氏當為天子勸帝盡誅海

內凡李姓者渾從子將作監敏小名洪兒

從才用翻

帝疑其

名應識常面告之冀其引決敏大懼數與渾及善衡屏

人私語

數所角翻屏必郅翻

述譖之於帝仍遣虎賁郎將河東裴

仁基表告渾反

帝改蒲州為河東郡賁音奔將即亮翻下同

帝收渾等家遣

尚書左丞元文都御史大夫裴蘊雜治之

治直之翻下同

按問

數日不得反狀以實奏聞帝更遣述窮治之述誘教敏

妻宇文氏為表誣告渾謀因度遼與其家子弟為將領

者共襲取御營立敏為天子述持入奏之帝泣曰吾宗

社幾傾

幾居依翻

賴公獲全耳三月丁酉殺渾敏善衡及宗

族三十二人自三從以上皆徙邊徼

從才用翻徼吉弔翻

後數月

敏妻亦鴆死

敏妻宇文氏周天元之女帝之姊子也

有二孔雀自西苑

飛集寶城朝堂前

西苑在洛城西元年所築也後唐兵攻王世充世充使其弟世偉守寶城

則寶城在洛城羅郭之內自為一城既朝堂在焉則百司廨署皆在焉自為一城附於宮城之東南也唐因隋制亦以洛陽為東京六典云東城在皇城之東皇城在東城之內百僚廨署如京城之制皇宮在皇城之北吾

以此推之皇城蓋即隋之寶城
在宮城東南也朝直遙翻下同
親衛校尉高德儒等十

餘人見之奏以為鸞

帝置親侍鷹揚府領親勳武三侍三侍即三衛也各置越騎校尉步

兵校尉
考異曰雜記云五年三月馬德儒奏孔雀為鸞今年月及姓皆從略記并溫大雅創業起居注
時

孔雀已飛去無可得驗於是百僚稱賀詔以德儒誠心

冥會肇見嘉祥擢拜朝散大夫

朝直遙翻散悉亶翻

賜物百段餘

人皆賜束帛仍於其地造儀鸞殿
己酉帝行幸太原

夏四月幸汾陽宮避暑宮城迫隘百官士卒布散山谷

間結草為營而居之
以衛尉少卿李淵為山西河東

撫慰大使

少始照翻使疏吏翻
自衛尉少卿轉右驍衛將軍奉詔為太原道

考異曰創業注云帝

安慰大使即隋大業十二年煬帝幸樓煩時也按十二年帝未嘗幸樓煩今從高祖實錄在幸汾陽宮時余按隋志汾陽宮正屬樓煩郡自可以言幸樓煩但有十二年十一年之差耳

承制黜陟選補

郡縣文武官仍發河東兵討捕羣盜淵行至龍門擊賊

帥毋端兒破之

劉昫曰龍門漢艾氏縣後魏改為龍門
隋志屬河東郡帥所類翻毋音無姓也

秋八月乙丑帝巡北塞

考異曰雜記六月突厥賊
入嵐城鎮抄掠遣范安貴討

擊之王師敗績安貴死百司震懼七月帝幸鴈門先至天池值雨山谷泥深二尺從官狼狽帳幔多不至一夜並露坐雨中至曉多死宮人無食貸糒於衛士令從隋書初裴矩以突厥始畢可汗

部衆漸盛

厥九勿翻可從
刊入聲汗音寒

獻策分其勢欲以宗女嫁其

弟叱吉設拜為南面可汗叱吉不敢受始畢聞而漸怨

突厥之臣史蜀胡悉多謀略為始畢所寵任矩詐與為

互市誘至馬邑下殺之

帝改朔州為馬
邑郡誘音酉

遣使詔始畢曰

史蜀胡悉叛可汗來降我已相為斬之

使疏吏翻降戶
江翻為于偽翻

始畢知其狀由是不朝戊辰始畢帥騎數十萬謀襲乘

輿

朝直遙翻帥讀曰率騎奇
寄翻下同乘繩證翻下同

義成公主先遣使者告變

壬申車駕馳入鴈門

隋志鴈門郡後周置肆州開皇
五年改為代州帝改鴈門郡

齊

王暕以後軍保崞縣

崞漢縣後魏置石城縣開皇十年改曰平冠大業初改爲崞縣屬鴈

門郡暕古限
翻崞音郭

癸酉突厥圍鴈門上下惶怖

怖普布翻

撤民屋

爲守禦之具城中兵民十五萬口食僅可支二旬鴈門

四十一城突厥克其三十九唯鴈門崞不下突厥急攻

鴈門矢及御前上大懼抱趙王杲而泣目盡腫左衛大

將軍宇文述勸帝簡精銳數千騎潰圍而出納言蘇威

曰城守則我有餘力輕騎乃彼之所長陛下萬乘之主

豈宜輕動

乘繩證翻

民部尚書樊子蓋曰陛下乘危徼幸

徼堅

堯翻微幸
銳非望也

一朝狼狽悔之何及不若據堅城以挫其銳

坐徵四方兵使入援陛下親撫循士卒諭以不復征遼

復扶
又翻

厚為勲格必人人自奮何憂不濟內史侍郎蕭瑀

以為突厥之俗可賀敦預知軍謀

突厥可汗之妻為可
賀敦可從刊入聲

且義成公主以帝女嫁外夷必恃大國之援若使一介

告之借使無益庸有何損又將士之意恐陛下既免突

厥之患還事高麗

麗力
知翻

若發明詔諭以赦高麗專討突

厥則衆心皆安人自為戰矣瑀皇后之弟也虞世基亦

勸帝重為賞格下詔停遼東之役帝從之帝親巡將士

謂之曰弩力擊賊

將即亮翻
下將士同

苟能保全凡在行陳

行戶
剛翻

陳讀曰陣
並下同

勿憂富貴必不使有司弄刀筆破汝勲勞乃

下令守城有功者無官直除六品賜物百段有官以次

增益使者慰勞相望於道

使疏吏翻
勞力到翻

於是衆皆踴躍晝

夜拒戰死傷甚衆甲申詔天下募兵守令競來赴難

守式

又翻難
乃且翻

李淵之子世民年十六應募隸屯衛將軍雲定

興說定興多齎旗鼓為疑兵

說式
為翻

曰始畢敢舉兵圍天

子必謂我倉猝不能赴援故也宜晝則引旌旗數十里

不絕夜則鉦鼓相應虜必謂救兵大至望風遁去不然

彼衆我寡若悉軍來戰必不能支定興從之帝遣間使

求救於義成公主

間古覓翻使疏吏翻下同

公主遣使告始畢云北

邊有急東都及諸郡援兵亦至忻口

九域志忻州秀容縣有忻口寨隋志

秀容屬樓煩郡杜佑曰隋置忻州因忻口為名

九月甲辰始畢解圍去帝使人

出偵山谷皆空無胡馬

鄭翻

乃遣二千騎追躡至馬邑

得突厥老弱二千餘人而還丁未車駕還至太原

帝改并州

為太原郡騎奇寄翻
還從宣翻又如字

蘇威言於帝曰今盜賊不息士馬

疲弊願陛下亟還西京深根固本為社稷計帝初然之

宇文述曰從官妻子多在東都

亟紀力翻
從才用翻

宜便道向洛

陽自潼關而入帝從之冬十月壬戌帝至東都

考異
曰略記

九月辛未帝入東
都今從隋帝紀

顧盼街衢

盼莫甸
翻斜視

謂侍臣曰猶大有

人在意謂鄉日平楊玄感殺人尚少故也

少詩
照翻

蘇威追

論數格太重宜加斟酌樊子蓋固請以為不宜失信帝

曰公欲收物情邪

邪音

子蓋懼不敢對帝性吝官賞初

平陽玄感應授勲者多乃更置戎秩建節尉為正六品

次奮武宣惠綏德懷仁秉義奉誠立信等尉遞降一階

將士守鴈門者萬七千人得勲者纔千五百人皆準平

玄感勲一戰得第一勲者進一階其先無戎秩者止得

立信尉三戰得第一勲者至秉義尉其在行陳而無勲

者四戰進一階亦無賜會仍議伐高麗由是將士無不

憤怒

行戶剛翻陳讀曰陣
麗力知翻將即亮翻

初蕭瑀以外戚有才行

行下
孟翻

嘗事帝於東宮累遷至內史侍郎委以機務瑀性剛鯁

數言事忤旨

數所角翻忤五故翻

帝漸疎之及鴈門圍解帝謂羣

臣曰突厥狂悖

厥九勿翻悖蒲妹翻又蒲沒翻

勢何能為少時未散

詩少

治翻

蕭瑀遽相恐動情不可恕出為河池郡守

隋志河池郡後魏置

南岐州後周改曰鳳州帝改河池郡守式又翻

即日遣之候衛將軍楊子崇從

帝在汾陽宮知突厥必為寇屢請早還京師帝怒曰子

宗怯懦驚動衆心

懦乃卧翻又乃亂翻

不可居爪牙之官出為離

石郡守子崇高祖之族弟也楊玄感之亂龍舟水殿

皆為所焚詔江都更造凡數千艘

艘蘇遭翻

制度仍大於舊

者 壬申盧明月帥衆十萬寇陳汝

陳州淮陽郡汝州襄城郡帥讀曰率

東海李子通有勇力先依長白山賊帥左才相

帥所類翻

相息亮翻

羣盜皆殘忍而子通獨寬仁由是人多歸之未半

歲有衆萬人才相忌之子通引去度淮與杜伏威合伏

威選軍中壯士養為假子凡三十餘人濟陰王雄誕臨

濟闕稜為之冠

隋志濟陰郡後魏置西兗州後周改曰曹州帝改濟陰郡闕姓也左傳齊有大

夫闕止濟子禮翻冠古玩翻

既而李子通謀殺伏威遣兵襲之伏威

被重創墜馬

被皮義翻創初良翻

雄誕負之逃葭葦中收散兵復

振將軍來整擊伏威破之其將西門君儀之妻王氏勇

而多力負伏威以逃雄誕帥壯士十餘人衛之

將即亮翻帥讀

曰率下同

與隋兵力戰由是得免來整又擊李子通破之子

通帥其餘衆奔海陵復收兵得二萬人自稱將軍城

父朱粲

隋志城父縣屬譙郡父音甫

始為縣佐史

隋郡縣皆有佐史

從軍遂

亡命聚衆為盜謂之可達寒賊自稱迦樓羅王

迦音加

衆

至十餘萬引兵轉掠荆沔

荊州南郡沔州沔陽郡沔彌充翻

及山南郡

縣

山南者長安南山之南

所過唯類無遺

唯才笑翻

十二月庚寅詔

民部尚書樊子蓋發關中兵數萬擊絳賊敬盤陀等

絳賊

絳郡賊也風俗通敬姓陳敬仲之後姓苑黃帝孫敬康之後

子蓋不分臧否

否音鄙

自

汾水之北村塢盡焚之賊有降者皆阮之百姓怨憤益

相聚為盜詔以李淵代之有降者淵引置左右由是賊

衆多降前後數萬人餘黨散入他郡

降戶江翻

資治通鑑卷一百八十二